

翠園

東界祈

迨今望乎

十世祖元傑元

道元美公遷于章溪遺有系派墓陵等業未入譜由

椿莊而鄔潭車田石坑等派皆自翠園之一本也爰

述圖引使各系知所自云

上接字衢下還之水

承四門通籍奕奕煌煌


一雖支分派處而祖基益為茂盛

始徙于椿莊立有別墅元吉元

胡氏基宇圖


東中街聯桂坊

北抵上橫



南抵下橫

街繡衣坊




街桂林坊

西直街宣化坊

椿莊尼源基宇圖

宋進士 元符公 自翠園 遷居於 此 其車田 石坑郭 潭樓屋 下江坑 等處皆 由此分 遷各派



本宗宦業志

世遠族蕃勲庸歷著闕而弗錄孝思謂何歷考唐
宋舊譜所載勲宦行實并附後葉顯名聚而志之
以為昭穆之勸

陳國胡公滿按帝王世系都于陳受封國土任陶正
子孫襲公爵十七世成公午為楚所滅莊公復之
孔子讀史記曰賢哉莊公輕千乘之國而重一言
至二十世為楚惠所滅失爵土公子寧逸居宛陵
守祖宗坵壠封域在焉即今臨清是也

齊營丘公子完字敬仲兄弟遜國質于齊桓公欲相
之辭不就齊仲懿欲妻之卜于太史曰鳳凰于飛
和鳴鏘鏘有媯之後將育于姜物莫而盛五世其
昌卒妻完立為田敬仲後至和公得齊國隱胡姓
為田氏子孫世侯爵宗愈大果見太史之占有驗
也世居營丘

宛陵大司徒剛公尚節義常忿不能復祖宗爵土客
交趾結豪傑破楚有功封東郡尉至六世孫廣仕
漢為東郡太守還安定子孫為郡望

壽春大司空廣公字伯始安帝時舉孝廉為天下第
一拜尚書郎屢遷司徒定策封侯多有補缺之益
京師語曰萬事不理問伯始天下中庸有胡公在
台輔三十餘年歷事六帝禮任甚優卒謚文恭
左軍都督景公字通達敢果有勇略征賊有功封左
軍都督遷壽春淮南建安如臯等處英賢間出皆
祖于壽春也

壽春陽陵亭侯質公字文德景公之子仕魏為頓丘
令平反獄情累遷征東將軍仗節青徐諸軍事禦

備有方朝廷賴之以安卒贈陽陵亭侯謚曰貞
安豐太守威公字武伯質公之子父子俱以清節稱
威守安豐殊有政聲後入朝武帝問曰卿與父孰
清對曰臣父清畏人知臣清畏人不知是臣不及
遠矣

晉卿令彬公慶公之子威公之孫有行義人以貯質
及清中有金五兩彬公召而還之武帝聞其廉召
為卿令帝曰卿有還金之義廉可知矣

晉征東大將軍祿公諱奮字子志為征西大將軍有
女名芳武帝選為皇后子嘉孫密世為侍中尚書
遷丹陽

丹陽安定郡公國珍公衛靈太姑之父少好學雅尚
清儉太和中襲父爵為大司徒女為宣帝后生孝
明皇帝封安定郡公進位中書監典侍讀子茂穎
川侯

常州王洪公安南太守文公之孫齊太宰安平王延
公之子專國政唐武德間為良州牧封常州王子
孫即封地為家焉

宣州判學公洪公之子仕為宣州判官除重稅十條
牧愛有聲民受其惠立廟祀之

廣州叅副項公學公之長子與弟瑜琚並登進士第
項公為廣州叅副宦遊松江遂居華亭子訓為太
平都尉

吳郡太守怡公御史大夫英公之子為吳郡太守恆
民辯訟如神民愛而懼之子越興元典史

御史令楫公越公之子初為義興令寇擾臨界惟義
興安陞御史令

法曹叅軍震公楫公之子初判趙州後為法曹叅軍
公正廉平吏民愛之弟霖隱居讀書不樂仕進子
則公始為祁陽翠園宗派

南唐忠臣江州都使則公字守忠宿尚書之裔震公
之子上世自晉陵分居秀之華亭擢南唐進士第
典七州兼六路使者節所臨有績奏免衢婺丁錢
民受其賜廟食至今後知温州寬賦除苛提舉銀
銅場監鑄得吏匿銅數萬斤吏懼欲自死則曰吾
豈重錢而輕人命乎藉為羨餘不罪郡人亦立廟

祀之又為廣西轉運使有番船遭風至瓊州且告
乏食則命貸錢三百萬吏曰夷人狡詐則曰彼以
急難投我可拒而不與耶已而償所貸如期又為
廣西轉運使按宣州重辟脫死罪一十九名後陞
都督鎮守江州宋師下江南諸郡皆降獨江州則
公忿刺史謝彥實不忠殺之集衆固守曹翰圍之
四月不下則力屈被害因縱兵悉取貲財而屠其
民太平興國元年載綱目范仲淹有銘狀

南唐翰林孔目傑公則公之子字秉政仕南唐孔目
曹翰屠城則公不屈死于忠孔目公在任聞變奔
江州抱父屍慟哭亦被害母太夫人王氏夫人張
氏女瞻娥月娥婢春嬌瑞香舉家一十七口赴井
投池全節而死于國事有家人貫勇自戶出殺彥
實養子砍為三段宋軍見其能以為已軍勇遂混
入彥實府中殺戮一家自料難脫乃曰主仇得復
吾死甘矣遂死弟貫用于陳少傅山庄侍二子炳
燈讀書得免于難遂歸祁陽

山陰縣尹寶賢公福保公長子字世珍號一元居士

新安誌名遇登楊寘榜進士授山陰縣尹有善政
百姓留任一十八年卒于官葬清風鄉鳴鳳山有
墓誌夫人李氏先卒葬一都天王寺後雲山公墓
右生天聖戊辰沒元佑己巳繼娶趙氏山陰籍太
醫院同知道弼公之女得父遺書依方治病罔不
應驗傳之子孫醫道馳名生慶曆乙酉沒崇寧癸
未附葬鳴鳳山寶賢公同穴子四伯郊伯靜伯益
伯剛

昌國州判瓊公伯達公子字御瑩授昌國州判蒞官
清慎民懷去思事載郡志生靖康丙午夫人熊氏
同葬古柳段高田園

象山縣尹文公瓊公長子字直卿號治中授象山縣
尹蒞政清廉有古循良之風因考績沒于京夫人
張氏守志終身葬臨清源

太平助教亶公珣公之子字孟仁紹興間以醫授太
平助教清苦自持為時所重生重和戊戌葬六都
章溪白茅源相思嶺立有隱安莊各保置有田地
山苗土產夫人張氏葬一都胡家園上山二角述

宋譜

柳州助教懷忠公亶公之子字良臣乾道間以醫授
柳州助教政聲騰譽州民感戴生紹興丙子沒嘉
定丁丑葬一都臨清源嘉靖丁酉改葬清隱丘與
則公同穴有壙志石存夫人葉氏葬金竹園

特名貢舉懷義公文公第三子字良貴號象山先生
博學多聞特名貢舉屢試進士不利隱居不仕生
紹熙壬子沒咸淳癸酉娶陳氏同葬一都臨清源
坐上地二畝山二角圖志載宋譜後改葬十四都
車田上坑源

進士黃州戶曹鎮孫公即元鎮懷德公子字安國登
咸淳乙丑進士授黃州戶曹沿江制使以才幹進
秩南康星子縣尹任滿家居值宋季鄉井寇擾郡
委拯治祁門縣事西南強徒乘時窺邑城公率義
勇并力捕之法繩其首餘黨盡散民賴以安生嘉
定丙子夫人謝氏葬胡家園靈順祠後立有聯桂
坊

進士翰林待詔元符公懷義公第三子字一陽登咸

淳乙丑進士與從兄鎮孫公同榜授翰林待詔擢
虹縣簿正以父疾歸養朝廷聞公政又擢知永新
縣遇父喪不就後值天下多事丞相文天祥開督
募兵勤王詔復為湖州判移守昭慶軍以宋元革
命掛冠霄遁景炎丙子由翠園隱居椿莊即今尼
源是也子姓蕃衍散居郭潭車田石坑樓屋下江
坑等處而家焉夫人李氏合葬二都金龜源巽向
金陵發解泳公懷忠公孫元善公之子字漢宗號滄
浪子郡庠生敏而好學嘉熙間發解金陵生嘉定
甲戌娶張氏合葬上元山庚向有石誌

通判潛公元德公之子字繼仁號一鑑淳佑間由科
貢授安仁簿陞通州判蒞官廉勤在在有聲生嘉
定乙亥夫人張氏合葬一都下塢均丁向
戶曹吏目浩公元德公次子字繼祖嘉定間由科貢
授戶曹吏目支度廉平民無侵漁之擾生嘉定戊
寅夫人李氏合葬古柳段高田園

監察御史深公景潤公第三子字文淵號夢栢以春
秋領正統戊午鄉薦登乙丑商輅榜進士奉

命使湘蜀給賞軍功選河南理刑克稱授南京四川
道監察御史總督清操威嚴尋奉勅簡旅京營
克振風紀事無冤滯都憲張純公愛其才有疑獄
多委之立決而民悅服景泰庚午卒于官夫人汪
氏合葬栢山源見郡邑人物志

北京留守司經歷球公御史公子字宗器以春秋補
邑庠生貢入胄監授北京留守司左衛經歷恩錫
誥命卒于京見郡邑人物志葬六都廖家塢夫人汪
氏葬黃沙坑

宋進士林卿公燈公五世孫祖居秀州後遷松江之
華亭登淳熙甲科進士蒞官甚有風紀朝端肅然
敬憚之世與祁為通譜公與史彌遠同年史既秉
國氣焰薰灼公終身不登其門後卒有挽詩云有
官居相位無跡到權門一子居中學問博洽綽有
乃父風有靜庵詩集傳世
明越國大海公元符公之裔孫元符公第進士為虹
縣簿正愛其山水大好遂流寓一支于虹大海公
乃其五世孫也有勇略

太祖初興領水軍都督渡江登采石下金陵獻首功
為諸將先後戰沒于陣

高皇帝定天下封功臣賜爵越國公世享廟祀子德
濟襲侯爵今子孫仍居虹縣永有令名

景寧縣尉琛公顯福公第二子字世寶少有才名以
刑學蒞身拜命景寧贊政蒞官有聲得循良民牧
之體以朝

觀入內京遇褒誥恩嘉勸賞世德昭彰厥子若孫咸
能克振其業

邑少宰道生公均德公第三子字汝立環谷汪先生
之甥也少穎悟讀書不事章句為文磊落奇瑰由
邑庠首舉入京授上元丞蒞官廉庶寬政薄徭為
百城師表致政歸于郭潭歷五世而至子濱公復
居翠園之祖基

鄉進士安公勝源公第三子以春秋中成化甲午鄉
進士未仕而卒

長樂縣尹蒙公大本公長子字養正以禮記中弘治
壬子鄉進士授廣東長樂縣知縣保釐宣化撫字

勞心士民仰戴丁父憂去任卒于家夫人方氏同
葬六都楊坑施村

饒州府同知輔公道亨公之子寬公之孫以春秋中
弘治乙卯鄉進士授德興縣尹擢饒州府同知未
任而卒

鄉貢士淦公憲公長子字北行號栢山蚤有才名超
足黌序既餼廩由選貢隱居不仕以壽終

文學士左厓先生諱宗時字子易月川先生翼公之
長子幼穎悟五歲能屬對矢口多奇語人皆以神

童目之甫冠以禮經補郡校弟子三試棘闈不入
時毅遂幡然以為丈夫當尚友千古安事局促一
經以枉過此生乃謝去博士一意脩古與歙王仲
房邑石龍先生深相友善十嶽同遊皓首窮年編
摩不掇詩有雅韻史有評題春秋有周正論詩文
餘二十卷將彙諸梓先生自名之曰蟲吟草云學
者宗仰不啻斗山學正文谷謝先生為作記知縣
桐陽汪先生為立傳子四人曰偉邑庠生五試科
場竟弗一售曰侶曰僕曰侗咸能世其業詩文字

畫為藝林宗表邑東青蘿寺有左厓山房

吏材吉安大有使祖富公景寧縣尉琛公四川益井
使以寧公皆有光于宗範并錄之

本宗孝友隱逸志

士君子托志高尚出則青雲處則巖谷居不違親
隱不涉俗或孝友行于家貽厥光于後亦各從所
適爾採而志之以告昭穆

隱逸炳公傑公之子字始然號一新生乾德乙丑痛

祖父一家沒于國難同弟燈公讀書陳少傅山庄

得全性命時年終十二宋太平興國二年隨傳居

祁陽遇母姨張氏嫁邑熊中立公一見視如已子

遂留承籍淳化二年創望雲樓于祖墓旁想容繪

像翺望盡誠祭敬乃囑其子孫當思江州骨肉之

苦沒世不忘與弟燈公相依十一年燈因思歸送

弟赴華亭祖居時有三門四戶俱不相認言則公

一家盡沒于官則支惟貽公傑支惟伏公皆被罪

遷蘇之石湖數年無人往來田產皆泯滅炳公與

弟之業造屋承遷舊籍植二槐于門以徵世濟宋

雍熙三年丙戌冬十月兄弟分別而歸事見宋譜
連枝記

隱逸福保公炳公之伯子字初興號雲山與弟雲峰
公連枝和翁友愛怡然事親孝取與義閭右稱善
雲山公生至道丙申沒嘉佑壬寅娶熊氏合葬一
都天王寺後

雲峰先生善保公炳公次子性穎敏學優而行脩質
直而好義淳化間詔求天下好義之士有司以雲
峰公應徵時主郡以雲峰皆為富家滯而不起士
皆垂首散氣逡巡于案牘之間雲峰乃抗言于府
司曰古之士不能起者有司勸駕促程何在連詰
其路即司府赦然除其名雲峰吾祖上為功名致
身青紫得之未為喜失之未為憂遂拂而歸終身
不仕

隱逸伯郊公寶賢公長子字有方號野叟與弟樂山
公等連枝四器孝友承顏垂創業緒光振先聞行
義為一方表率伯郊公生皇佑癸巳沒宣和甲辰
娶汪氏合葬一都下塢坳

隱逸景福公諱祐號安定樵夫庚公次子事兄裕孝
友和翁歷艱難以起家庚公遭元至正兵亂同母
五人往六都章溪江村依兄避難後大明軍巡行
本縣清軍退散草寇出入不常庚公回林村住歇
斃于兵母順懿謝孺人矢節撫二孤兢兢成立歲
乙巳居民入市本家住基俱已灰燼公與母謝孺
人剗荒構屋兄弟完娶謝孺人相舟自堅貞風完
節事載郡縣志祐公葬六都方村大塢口娶謝氏
同貞母葬五都許家段

隱逸大本公諱拳字大本祖有禎公考紹源公俱潛
德弗耀公蚤有才名攻舉業不汲汲于仕進承世
業起家殷碩不侈華縻好禮敦賢仁義是附邑令
重其德屢介賓鄉讌有丈夫子五人伯蒙公登壬
子進士第為長樂知縣仲頤為義官叔季豫巽泰
聯名鬻序為郡邑族望娶蔣氏同葬六都大塢口
繼謝氏葬李金坑

逸老高岡公諱祚字衍之祖深公官御史督理團營
父球公官留守經歷公性耽恬淡嗜孝友居喪廬

墓芝草瑞禎兄罹雀角代就官刑行年八十有三
煌煌哉傳稱求忠臣出于孝子之門世闕熾昌宜
矣自東謝先生為公作讚 讚曰奕奕高人瀟

灑風塵築廬母墓孝感芝生連枝和翕孝友鄉評
勤儉拓業垂裕後昆簪纓世胄不愧令名

逸老傳公珏公第三子字賢用號翠園世習舉業與

邑石龍王解元相善友縣大夫廉其賢徵為三老

德著群望子一滾一淳咸為亢家宗子石龍先生

題其像曰天賦純朴不浮不華處已應物無黨無

偏蚤事江湖晚居林壑動循先聖之矩式穀後人

之則噫丹青徒繪翁之儀形弗能表其德之盛也

隱逸椿莊道脩公字克仁號羅峰琚公之子也公之

為人忠信孝友孚於鄉黨勤以治生儉以自奉惠

以周急幼治業積累稍厚遇子姓尚浮奢必痛加

裁抑鄉黨有鬪咸未執評片言理論莫不兩相悅

解人多以長者目之縣尹嘗以鄉賓辟之不就恩

嘉冠帶厥考琚公為人坦夷威儀棗棗言貌恂恂

厥冢器子激公守其道泊然無所慕令聞日以益

著佐鈕侯之賑饑以公平稱諸士友亦請于縣以
鄉宥辟之亦不就厥孫曰橋曰梓淳篤特立不變
於俗綜理庶務精密弗遺常侯賜梓一鄉善士而
諸孫一俊一化輩玉立蘭茁尤可期望奕世相承
惟厚德是守有羅峰莊山雪岷茶塢文集未登譜
隱逸椿莊道盛公字克榮號松塢元符公之裔少篤
學潛心古人不以科第得失累其心世業僅供伏
臘尚節儉隨力以及人治家嚴毅持已端莊客至
焚香淪茗調琴賦詩超然有隱者意趣郡邑旌獎

一鄉矜式

隱逸汾溪公諱子濱字濟之喜安公次子少負琦瑰
侗達有為以商賈振業性行純謹尚德弗矜啟賢
禮士汲汲然惟恐莫迨邑大夫張侯廉其德履錫
以冠服表正鄉閭厥子四人伯曰惟相以刑學蒞
身將入仕籍為循良民牧田楷曰楹曰楨咸能世
其業光振先聞由椿莊遷郭潭今復居翠園祖址
濱公生嘉靖己丑歿萬曆乙酉葬三四都汾口坤
山艮加子午向

隱逸車田龍生公字志雲元符公六世孫德玄公子也為人敦篤好古創業成家永樂癸巳携子仲偉自椿莊尼源遷車田業治殷殷為一鄉重望公生洪武九年歿景泰元年娶孺人方氏合葬杉木嶺子午向後五世孫章公字惟達習春秋邑侯陳送入環谷書院講學有聲士林壽八十而終

隱逸太貴公號古岷善士文寶公之子龍生公之五世孫也賦性耿介正直無它腸行年逾八十足跡不履公門訓三世以義方屬聯一體誠顧化之逸民維風之碩士也邑侯劉大夫徵賓鄉飲賜冠服舉為鄉約首娶汪氏生子三成彬彬稱克家諸孫亦能克敦先訓公生正德己卯歿萬曆庚子年八十二以壽終

隱逸椿莊子泗公節士道立公之子號思軒蚤有才望光德器美丰容飄飄然有瀟灑出塵之表始業儒不售于有司遂隱約讀群書曆筮星經靡不洞究尤精于堪輿卜土相方有救貧金睛之目力厥子若孫咸能克振家聲公存時有志脩譜今譜成

而公沒矣惜哉

椿莊隱逸楫公子瀾公之伯子號印田公少負琦瑰
慎于脩齊世習舉業不膠鼓于仕達孜孜惟誘掖
後進為先務家居恂恂雅飾孝友怡然日篤義方
課迪其子若孫類斌斌稱克家年垂八十健猶壯
歲宗譜之成而公有與焉

節士豫公字養和大本公第三子篤孝友疏財義三
十一而壽終娶謝氏節孝撫孤旺公字德應善以
承繼逾五十而壽終娶謝氏二子曰倫曰伊伊字
尚志每每有脩譜之志未克伸幾八十而壽終

隱逸且公字宗暘號竹泉月川先生巽公第二子性
資樸茂樂於善聞生平俯仰無愧怍良於治生以
鬻書振業壽四十六而終娶謝氏子二曰任曰傳
類克世業孫調元聯元曾孫振振其未艾也

隱逸子濟公號慎齋相山公第四子幼穎悟習儒書
涉獵典謨有聲譽髦屢試文苑不售于有司遂慨
然有經營四方之志乃囊貲斧樂時觀商荆揚賈
淮泗祖陶公二五之良不數年而貯累達上賈然

孝友慈愛根乎性真業治雖殷弟昆一事無世俗
爾我之態禮賢卹乏怡怡如也迨今後英濟濟拓
振先聞其所謂富而好禮義以先家得全全昌慎
齋公之謂也

國醫景公字文光號涵春進士家公仲子天資冲敏
幼業儒孜孜于仕途以醫學馳名得秦越人之
禁方譜王叔和之脉訣按診發劑罔不應効回生
邑大夫孫侯曹侯廖侯咸賴其調攝禮以上尊首
舉鄉讌介賓老更飾黌宮佐公急務毅然首倡重
望著于薦紳八十二壽終子佐世醫學有父風曹
侯以厥惠惟溥額標其閭孫鳳翔郡庠生孫稱曾
玄咸濟濟光前烈

邑庠彥偉公行夢桂字孟華號從吾文學左厓先生
冢子冲年負才豪亢習舉業制科有聲黌序每院
試輒第優等人咸以公輔器之謂取青紫不難芥
拾五試棘闈不入時毅遂怡然隱約以為士而得
志則青雲否則龍蛇何汲汲學干祿為知命者羞
乃勤志養奉二親歡課子姓翁弟昆娛樂天倫逾

五十而棄養祿延後裔光先名世亦庶幾稱不朽也

者逸化公號湛泉吳公之子個達有幹才年六歲而吳公棄養哀慕痛抱終天八歲而母他適伶仃孤立兢兢成家勤貨殖歷江湖脩息盈餘而垂課三子長鵬翔先沒有孫仲鴻翔割股救母叔鷹翔二孫振振未艾也

逸老盛公字世昌號松喬忠公之子賦質茂樸重厚寡文甫六歲而孤儼乎有大人志孝養慈闈以教謹著瘁心力勤家政繩先德裕後昆罔不兢兢暮年猶好善奉神食用素嘉聞為一方宗仰邑侯廉其行履以三老徵之不就幾八十而壽終子四人孫倍秀撫從孫宗漢割股救母皆美德焉

節士早公義官願公第四子未三十而考終遺孤曰信復孱弱孜孜為善壽亦弗永信妻汪氏孝廉企訥先生從姑有賢行撫二孫振振成立曾玄亦復彬彬書曰積善之家必有餘慶早公少年負才犖卓孝友承顏厄短曆不迨終養厥子繼亡今幸後

賢蕃振蟄蟄森森善積慶延祿豐後業信夫

本宗節義志

余家世篤忠貞匪特丈夫則爾雖婦人女子貞

風完節亦有可嘉略採其尤錄于譜局

翰林孔目傑公夫人張氏女月娥蟾娥合門全節死

于國難

子仁公妻謝氏順懿孺人年二十七子仁公斃于兵

誓節撫二孤創業家政脩復祖基以壽終郡邑表

揚載于志

宗昌公妻周氏年二十八宗昌得危而沒且乏傳周

氏矢志栢舟誓不再醮稱未亡人幾五十年始終
一節事載郡縣志

宗昇公妻王氏年二十九昇公沒二孤曰仁曰儀俱
在襁褓王氏竭力扶育誓不再天壽八十二而終
縣為表揚

椿莊節婦謝氏者邑庠生銛公之子婦祁昌王源佳
山公之女也佳山公從天臺耿宗師講性命之學
為時名儒擇配歸胡氏子大福號三峰甫念六之
年嬰疾以卒節婦廼屏去脂粉不御膏沐且謂未
亡人不欲葺築之孤碌碌人後唯是星霜女紅桔
樞生殖為門戶計供甘旨崇蒸嘗哺煦其孤卓有
成立邑父母劉侯表厥宅里曰無愧地下噫一醮
不改白首冰操九原可作若節婦者真可面目以
見其夫君而無愧心者矣

甲午科鄉進士通家春侍教生企訥汪大壯題

胡節婦傳

祁故儒胡本道娶于邑北曰程氏程氏出祁善和慎庵先生後蓋級冕族也婦始勝衣輒悖父昆季續殂未迨標梅而長千無猜焉道初肄舉子業坐冰蘖伏而思謂洗腆不備繫何以當具慶歡延徒業遠服其屬意在厥後也尋弛肩于淮海之渚無何一疾捐館舍婦括髮覲經攜遺孤曰繼宗者逆輜引第而撫膺甚哀其曰養正者時方在眼而丁此荼毒苦也婦奉主泣曰未亡人雖不獲永訣倘能相其未逮則夫靈有在或可妥也自是日具瀟灑羞北堂孝養愈篤彼景暮而膝下無兒者就養惟艱婦能將迎其意旨假令夫存不啻矣姑有女以業替而污澣言旋三稔同閨介若姊如更揮貲令營致饒姑益賢之舅姑躬罹其變鍾情在兩孤大都涉姑息婦顧不弄含飴而操之嚴比長督就傳機軋軋以行脩孤亦並淬勵伯氏克遂紹先德迨丁酉

督學陳台掄仲氏補弟子員且有志于聖賢學嗟嗟兩孤競爽家嚴丕振伊誰之力歟道寧有不瞑目地

下其飲恨也婦之母存計曷迓養靳任以窶窶歲時亦間一脩父祀弗以多艱沮婦之能及哺又如疇若斯婦宜爾子孫振振矣暨重堂繞膝猶爨一釜吹燠吹箎鞞鞞棠棣哉非閭教之漸濡其將能乎歲已丑三秀生道瑩左母亦節孝有感和氣致祥而瑞應則婦之

誥頒端可券必云婦行年六十有奇也經孀三十餘禠矣邑群推之白其狀

邑大夫疊有扁旌余往過祁脩舊好獲耳焉爰揭之以垂不朽

傳曰余嘗論子輿仇氏母其儲訓本末穆然有意乎其為婦也若而程氏者其亦可以媿美乎哉婦未笄歸道客亡而斧資喪養生送死遣女納媳旁午叢挫而以一介娶婦調停其間即仇氏婦余未見其俗嘗也且抱呱呱腹遺孤文運藉以開先而庭內禮讓益興起君子曰懿哉程氏婦也仇氏弗能專美于前也

夫

萬曆丁酉仲秋吉旦

賜進士第通奉大夫正治卿淞江布政司左布政使

前奉

欽差巡按直隸監察御史星源見田余一龍拜撰

胡貞婦傳

貞婦姓謝氏名順懿胡子仁之妻也其夫歿於兵
立志不再適後以壽終鄉人號曰貞婦豫章蔣俊
喜其有關於人倫之本而傳其事因編縣志而附
見於此者以俟他日觀風者之所採焉

胡貞婦祁城南謝氏之女幼而聰慧及笄歸于翠園
胡君子仁以其家世之相美也里閭之相同也賢德
之相匹也粵歲壬辰蘄黃寇盜蹂躪鄉井於是操戈
負戟者蜂屯蟻集而民無寧居貞婦從夫子仁避難

于深山窮谷後子仁竟斃于兵家業自是而墮也當
子仁公死時節婦年方二十餘二子曰裕曰祐尚在
鬻鬻而復逢離亂將何所恃而自存耶或誘之再嫁
貞婦拒之曰我知為胡氏婦不識為他人妻携子再
適豈義也哉自是無敢復言者貞婦益奮厥志益勵
厥行衣不文綉髮不膏沐辛勤以撫其子紡績以給
其家胡氏之門競於傾喪之日貞婦之志礪於顛沛
之秋誠人之所難能也後以壽終鄉人義之而號曰
貞婦云裕字景容祐字景福

贊曰婦之遭離亂更莫苦於孀居尤莫苦於子幼
也苟無以自守孰不變其志哉余觀胡貞婦之志
不撓於外不易於中如玉在璞如金在鎔堅貞之
行足以勵乎澆薄之風可謂無愧於文公禮義之
邦者矣其亦共姜之儔者歟

皆

洪武二十一年戊辰秋月豫章癯翁蔣俊集奇書

題貞婦詩

訓導王懋學

安定玄孫獨俊良慈闈貞潔信無雙由來屬操堅松

栢老至存心凜雪霜顛沛尚能持節義婺居還自守
閨房簡編古有稱陳氏今見斯人若可方

又

訓導鄭迪

賢矣謝家女來為胡氏嬪淑姿堅美玉貞節並忠臣
對鏡鵞分影傷心淚滿巾死生不可奪千載栢舟人

又

貢士黃汝濟

故家貞婦性資醇水蘖清聲鐵石肝結髮每憐青鏡
破終身不嫁綠窓寒三從已決心無變四德兼全體
自端喜有賢嗣知孝道題名編簡後人看

安定胡氏通譜源本序

胡氏之先本媯姓出虞舜之後武王求商均之裔得
媯公滿者以元女大姬配之封勳世侯國於陳官居
陶正住宛陵即今河南陳州宛丘縣是也有胡城在
焉元姬夢月傍十口言於武王王曰此胡兆也遂改
滿謚為胡子孫以謚為姓襲侯爵者二十三世封王
者七十餘人春秋時為楚所滅長公子完出奔仕齊
其後為田齊氏甚大次公子寧居宛陵至王莽篡漢
時裔孫胡剛幼尚氣節常欲復祖宗之仇傾棄家資

客遊高趾結豪傑居秦破楚功贈都郡尉六世孫廣
仕後漢為東郡太守嘉平間遷居安定子孫因家焉
遂以安定為郡望至後趙沒於石勒南渡以來宗族
星散會而通序者百無二三其或貧而不能立賤而
入下流者有之富而自矜高貴而不垂恤者有之莫
不皆由亂離各擇其便而居焉以致尊卑莫辨吊祭
不知視至親如途人彝倫之道何由而厚哉今幸發
之青華休之會里黟之橫岡等派來與吾祁之在城
邑南之貴溪羅村邑西之梅溪椿莊尼源等派各以
遷居世系源流會而通之其或近而未登譜者遠而
未及會者且置之以待接古譜世系查自得姓以來
至秦漢以前多有缺誤難以詳略今通譜與各家譜
世系有異但以鳳陽之壽春縣始祖晉征東將軍質
公為一世始傳世系於圖上分支遷派一脉相承源
源而來使其根株不散生生有續爾其傍支各出人
物多寡者難入通譜各又以家譜詳分細註此不及
備質其生長子威為徐州刺史次曰盛為青州刺史
封平春侯居淮南盛生慶居丹陽慶生彬彬生祿祿

生嘉嘉生密密生國珍為大司徒一女芳為魏武帝
后生魏孝明帝司徒二子長曰茂封潁川侯次曰蕙
封泗水侯茂生文為安南守文生延為大宰謚安平
侯有七子其第四曰洪常州王即所封之地而子孫
遂以為家焉洪生學學生三子皆進士第長曰瑜官
至淮府長史七世孫宅始居祁南之貴溪次曰頊為
廣州叅副遷松江之華亭三曰琚未仕而卒或云其
裔居宣州未究虛實頊之孫曰英為御史大夫英之
裔孫有諱則者為南唐都指揮使守江州宋先鋒曹
翰同征江南屠其城執則不屈被害子傑媳張氏盡
死焉傑二子曰炳曰燈從師傅於外得存性命天意
憐而留之不滅也何其幸歟兄弟失所依隨傳居祁
炳因藉熊氏後以為家燈復歸華亭宋淳熙甲科進
士胡林卿公即其裔也炳痛雙親屈死於難不得收
骨肉歸葬乃立木起樓名其二子曰雲山雲峰誌孝
思不忘之意歷數世書香不墜家聲大振子姓森森
士子多有科第發身者則十世孫元符元吉等赴譜
會決源流開世系併墓誌銘數種皆登通譜示永其

傳垂不泯焉爾

其譜學起於宋咸淳己巳成於咸淳甲戌

祁邑翠園胡氏自華亭分派源委

炳公之先松江華亭人也出廣州叅副項公之裔項
生訓訓生英英生怡怡生越越生楫楫生震震生則
則生傑傑炳始居祁世以書香聞五代時有諱則者
佐南唐守池州後封都指揮使守江州號令嚴肅宋
命曹彬伐江南唐主恐以城降則之子曰傑為唐孔
目官國亡在曹彬獻俘中赦免歸時唐之州縣歸于
宋惟江州不下則公率兵固守宋先鋒曹翰圍之日
久刺史謝彥實欲納款則公責其不忠殺之翰忿拒

命屠其城則公不屈被害傑痛父死非命往哭之彥
實養子在軍中執傑殺之家屬盡被屠戮傑二子皆
幼長曰炳年十二次曰燈年八歲幸遇祁南宗丈諱
美者時客遊在江州陳少傅延留設教於莊嶽間炳
兄弟從遊在學得全性命於患難兵退後百計尋獲
祖父母屍少傅公憐其幼不能移仗義與葬之兄弟
無所依從美公歸祁聞邑大姓熊中立妻張氏乃華
亭人炳母兄也炳燈因依之熊公見其孱獨且知慕
學能甘淡薄愛養之後以炳為子繼承其緒娶葉氏
遂家焉燈復還宗炳後復往江州尋親骸少傅物故
葬所茫然失其所在乃招蒐立墓于一都臨清源以
祀之宋咸淳間婺之青華休之會里祁之貴溪羅村
等派宗家請會通譜時裔孫元吉從兄進士元符庠
生泳將本派世系源流並同本華亭燈公派下宋淳
熙進士林鄉公付來世系赴譜局通會焉其各行狀
墓誌詳列通譜示永其傳垂不泯焉爾

館生閏田進士張應龍述

華亭源委

華亭古為吳越之地五代晉時改秀州天寶間改華亭縣胡氏自晉陵移居華亭之鳳凰山在府城北二十三里華亭有九峰為邑勝景此其一也族人題曰一峰雲氣接蓬萊白石磷磷獲碧苔幾向鳳凰池上望不知何日鳳凰來其傍有九峰書院折桂閣唳鶴亭唐人胡僧題曰陸機西沒洛陽城吳國春風草又青惆悵月中千歲鶴夜深猶自唳華亭仍攷胡氏通譜謂吾始祖則公居華亭又云居晉陵已查胡林卿

公謂失源委原炳公兄弟幼失鄉土宗人欺之隱而
不說究問親戚指教祖宗墳墓塋地在焉乃知本枝
實出華亭不妄曰烈燄西去各折其長四春風草又
祁邑翠園胡氏自宋始祖炳公避難自江州而來因
母姨張氏原嫁熊氏居祁無子遂贅炳公為嗣而家
焉其後昌大世以儒業相承事詳家譜宋元革兵之
時族皆亂離分去有居本邑鄉莊隱居處所實載於
譜有居淳梁太平雖隣邑皆不知其居止不敢妄議
惟元美元吉避難隱居六都章溪相思嶺下隱安莊
而居元符公於景炎丙子移邑西南武山莊即今椿
莊尼源是也余載不備

承故熊氏遺錄

漢建安二年豫章熊天祐任古黟赤山鎮局大使開
新城街以祀舜廟為埕戶立也其鎮局院地乃古黟
廣德國王受封之土國王每年巡遊封疆乃造郊臺
於赤山之頂以為遊觀駐蹕之所熊大使女充國王
妃名翠娥同母歸寧中秋月熊氏宅春陪甥女登郊
臺翫月翠娥拜月華而死遂葬局院傍後有見翠娥

與素嬪數女遊於月下國王疑以為神立廟墓前謂
之翠娥神女廟民間時疫禱之有感四圍松柏蒼翠
遮蔭墳廟時人稱為翠林至唐永泰丙午鎮人吳仁
歡平土豪方清之亂奏請改鎮為縣墀戶陶辛甄慶
蘇齊等姓一十七家編立隸民籍舜廟隨廢郊臺改
為靈順祠國王之後除封遂以鎮地分賜熊氏乃籍
土為民歷晉魏梁陳尤盛四鄉皆蓄有產西南尤多
分有三門四戶為仕宦享俸祿者十數人葬所皆有
墓表此熊譜源委所傳熊後為採訪事三戶子孫成
遷咸陽惟中立公一户任籍當差原係納金人戶世
以單傳見消宋初戶產悉歸胡氏而四門眷屬皆故
舊大家閨田張氏沙堤葉氏剡溪吳氏三槐王氏古
城柳氏石城汪氏世為瓜葛名望相依也人已物故
熊氏遺文無一存者惟此可見爾

翠園遺錄

在城東隅胡氏系出陳侯公子寧之裔由祖上自浙
而來宋初籍故熊氏地而居焉翠園之號古因翠娥
墳廟而名地之廣者帶面地四十畝東抵赤山及中
街直下至廟西抵三皇廟及西街直下南抵新城街
橫出北抵市心稅務街住經六世不分遇淳熙水災
園塘基址割去五分之二翠娥廟宇松柏林木盡被
推毀後陸續填補以成舊規淳祐末房屋盡被火燬
兄弟子姪議除四圍沿街面地衆共不分外將內地
并下園餘地二十八畝規定田字界限中存十字路
巷左右上下通街標為仁義禮智字號均分為四每
號計七畝零懷義懷善闈住仁號懷德懷友闈住義
號懷忠懷民闈住禮號懷賢懷用闈住智號各自造
屋便業智號二房離祖遷黟其地湊便仁禮四房管
業咸淳間元符致政歸義立有序堂於其上號曰翠
園宗祠就扒田租二百秤入為蒸嘗之費噫吾姓自
始遷始祖炳公居祁世以儒業傳家五世寶賢公知
山陰縣事六世伯靜公以醫道鳴時七世瓊公判昌

國州八世文公知象山縣事亶公太平州助教九世
懷忠公柳州助教懷義公特名貢舉十世元符公鎮
孫公俱登進士第代有聞人子姪彬彬皆為士子榮
耀先後未可量也上自得姓同源分枝演派開載未
備有自壽春分者有自晉陵分者有自昆陵分者有
自華亭分者有同處郡邑而不識昭穆者有共居閭
閻而不知齒序者萬枝一本千派一源不有譜記世
系何以知有親疎得失哉姑述此以貽後之脩譜謀
者有所據爾

繼籍批文

在城熊中立前妻葉氏未育而卒後奉公差解馬價
赴浙江紹興之華亭交納娶婦張氏善娘歸生一子
就名華亭年十六考入本縣儒學生員治春秋讀書
過勞年二十三而卒未有子女遺媳葉氏年嬌而性
賢吾夫婦老矣門戶浩大無人承管上房弟德立僅
一子未孫下房弟善立須有二子俱不諳事本戶別
無以次人丁今有妻姨之子炳乃胡指揮使則之孫
因父祖俱死國難兄弟自江州逃生來固吾妻張氏

之甥也依養吾家吾夫婦愛繼欲以為子繼後將事
訴於官蒙拘族諭以世例仰擇異姓賢能者頂戶當
差衆喜為証咸相勸助炳曰棄祖就親誠為不孝別
議之請辭公曰姨之子即吾之子也復何疑議焉就
將媳葉氏坐堂招炳以憑繼籍當差侍吾夫婦百年
戶下事產不拘在市在鄉本保外保但係熊俊一公
經理并見住基屋各處墳塋山地四鄉田塘坦地及
家遺資財本金銀酒器盡聽子炳照吾名目契字管
業與三房衆共事產俱已開分明白各有合同文書
不許家外人妄指無子絕產爭奪違者賈此聞官吾
子炳頂立門戶務要謹守學好不許蕩敗家業百年
衣棺葬祭之類倚之母違今批遺文付男永遠為照
者

宋太平興國六年辛巳正月上元日熊中立 批

縣丞張維甫 親春葉德新

鄉人張維甫

李彥祥

謝天祿

族人熊德立

熊善立

隣人汪震德

祖上批文刊於譜以示吾家之來歷云

連枝記

弟燈年八歲失父母同歸相依十數年弟今十九矣
思歸華亭甚切不忍分乃送弟至華亭宗家雖有三
門四戶不相識認俱言則公一房盡沒於官未聞復
有人焉言吾親房則行惟貽公父行惟伏公二人彼
因避罪族之患逃遷蘇之西湖數年無人來往不知
消息祖戶事產皆已泯滅弟無容身之地復携歸燈
不從炳與立基業創田產立舊籍而興焉造屋垣墻
植二槐於門囑曰吾後子孫能興二槐活而盛驗此

為記
跡跡門無口
昔年子紹
與二跡
跡跡
不皆
跡跡
跡跡

宋雍熙三年丙戌孟冬月記此與弟分別云

炳公尋親行程記

孤哀子炳生稚居池祖署府三歲頗識字四歲祖抱坐膝間訓讀世教要言每每不倦訓讀周易兩閱月而熟終身佩服不忘見祖在池任府事六年表疏屢上多切時政唐主信任陞授都指揮使守江州總管軍民職善裁制祖母王氏封恭人父傑授翰林孔目不得離於湏臾炳在父膝下六年僅得一見父再往江州四年見祖服武弁列干戈手下貔貅百萬兇具日張鏡砲如雷心甚怖畏願從師於外惟知讀書為

事而祖父官封勅誥家業契卷半字未見世遭天翻
地覆戰據紛然及宋太祖削平僭偽定一天下南唐
獨有江州未下祖以父子食唐祿當死其職桀犬吠
堯各司其主備禦甚嚴宋曹翰忽拒命屠其城祖被
脅不屈唾罵被害父收其屍被刺史謝彥實養子在
宋軍中率眾追父至府堂家人貫英貫義救護並死
之祖母恭人王氏因病驚死母夫人張氏菊娘姊蟾
娥月娥婢奴春嬌俱後池而死秋香瑞香投井而亡
一時死者一十七人幸家奴貫勇自戶牖間走出殺

彥實養子砍為三段宋軍見其能殺疑亦軍人貫勇
混入軍夥引入彥實府中使之曰爾輩可搜財寶我

驅人殺之其妻妻子女被驅盡投後池而死自料難
脫乃曰主仇盡復吾死甘矣遇有酒在樽痛飲一醉
遂赴池而死少傅家奴亦混在軍中見而知詳炳燈

兄弟得從師在田家

乃陳少傅庄
家人也

天使留吾一脉不

絕候軍退少傅陳公憐而資給人力尋屍藁葬炳兄
弟幼幕下乘平日久不識兵亂一旦罹此奇禍骨肉
分散肝腸痛裂幸授業師念係同宗乃挈居祁天啟

際遇母姨張氏善孺人嫁邑之大姓熊中立公炳兄
弟一見如母復生乃依居之熊公夫婦憐而愛之如
己出中立不幸老而喪子願留炳繼籍承後炳曰吾
祖死於忠父死於孝一家骨肉死不得所豈令忍棄
本根而別生枝葉乎熊公見志不從使姨母訴乞於
縣官授時例凡摘繼不論親疎摘賢能承戶當差親
族不許告爭令熊族當官書文立為繼嗣乃與弟議
燈曰兄弟飄蓬落此天使然也順天者昌既母姨所
授宜從子之庶或吾家重興未可量也炳因遂家焉
娶葉氏最善婦道生二子長曰雲山次曰雲峰托物
取號不忘思親之意三女長雲珍適一都閨田張惟
甫次適本市汪正名三適本市熊以紹此其大槩也
嗚呼一家骨肉凋零死在遠方竟無所依葬非故鄉
祭無所享朝暮懸思不得致其如在之誠苦尋遺骸
不獲乃招魂立墓於臨清源葬之日有白鷺二羣飛
自西來棲止於其上時淳化二年三月也創屋數楹
於墓傍想容繪像併繪熊公母姨之像列祀于樓上
立貫勇執劔于親之下彰其復仇之義每年除朔望

時祭外清明臘祭二節務以牲素祭之必盡誠敬嗚呼凡我秩下子孫思之我祖也父也僕也死之好苦可不念哉況且因母姨熊公之基業得有所依豐衣足食從何來耶書以示吾後裔敬而念之沒世不可忘也

昔

淳化三年壬寅三月哀逆不肖子炳頓首百拜書

炳公望雲樓記

許南史轉運使

故唐忠臣胡則之孫曰炳原屬華亭人也至炳始遷祁痛其父祖眷屬死國難于江州炳年幼未得收骨尚歸葬苦思之至忘寢食乃往江州尋親骸至則城墮人民已非矣及訪少傅陳公物故年久向遊田家今成草莽徧尋藁葬墳所茫然不知所在炳以情事訴于官乃云宋一天下之後詔查亂離中有能盡忠孝節義死而屍首暴露者許所在官司具衣冠棺槨葬之有子孫者給米三石令其收屍自葬無主者有

司開名祭之內查指揮使胡則呈失其屍原係無主
表祭訖炳嘆曰生而不幸死猶有不幸焉乃至荒郊
吊祭躄踊頓絕于其間昏惑不知何在恍惚如見家
奴貫勇曰此非我主卧所扶之而起覺則月啣半山
四望瀟然寂無人聲乃呼貫勇曰尔如有神引我父
祖一家親魂同歸也忍淚馳歸遂招魂立墓於城南
一都臨清源朔樓于墓旁請名而記之嗚呼三綱六
紀人道之大端也孝道為六紀之一昔子路貧而負
米養親食猶不給及至積粟萬鍾思以養親親不在
矣孔子曰由也可謂生事盡力死事盡思者也狄仁
傑為唐參軍去親遠且父登太行山望白雲孤飛悵
望久之曰吾親舍其下也雲移乃去今炳之心孝思
足以配子路悵望足以配仁傑因名其樓曰望雲乃
記之曰

五季將衰亂之極也干戈成賊時之危也國亡家
破天之數也宋解倒懸民心歸也桀犬吠堯各司
主也見危授命臣之忠也奮不顧身子之孝也義
不受命婦之烈也克復主仇僕之勇也一家骨肉

俱怨鬼也招魂立墓祭有所也想容繪像親如在也世澤相遺傳祖硯也斯文未喪讀父書也天運循環無不復也香極泰來善有徵也百川到海此其源也喬木籠雲此其根也樓名望雲志其思也歷前贈後示不忘也炳謝曰不肖秉腸先生披露盡矣仍思江州骨肉之苦庸有既乎乞書於樓以永其傳

酌德序說

家人姓貫名英吾祖則公親隨也從幼侍祖讀書取功名皆英隨之在南唐時跟吾考為孔目守唐貯庫錢糧遭宋創始之際收得遺金滿橐盡送江州不思為子孫計祖與娶婦霍氏生三子長貫義次貫勇三貫用一日見故事記云馬能垂韉犬猶濡草皆仁獸也我輩宜鑑焉適聞州人構臺演前賢故事三子負炳燈同觀歸家英問何戲文曰趙孤兒嘆曰程英周肩義當如此可憐正卿屈死深山誠所不忍次日又

演王祥兄弟行孝家奴救主曰苦哉忍淚不住英曰
人生在世好歹亦猶一場戲耳但關於風化者效之
傷風化者去之又私與義等曰天下之事禍患未萌
吉人君子可以預料當今四野交兵天下民心已歸
宋矣南唐獨江州未下我素知主公碩德決不屈服
倘若加兵我輩無唯類矣子意何也義曰背主不祥
貽厥孫謀保存命脉父之責也英駭徐言於祖曰二
孫公子可從師於外遠避城囂恬靜好學自幼亦得
以知田家情狀況脩竹茂林真讀書處所祖曰襁褓
尚幼寧忍遠離英曰愛之能勿勞乎祖笑英誠知書
托寄者何人也我兒貫用將冠可以供薪水之勞主
公勿憂遂遣學田家從師未逾月忽曹翰兵至祖父
死忠于唐一家骨肉盡被屠戮英勇復仇而死予兄
弟自江州逃命襁負歸祁皆貫用之力履巉巖披荆
棘痛苦我所難言脚痕流血人所忍見天遇母姨遂
家焉復往江州尋遺骸夢中晤會指示歸途骨血流
通恩德不磨從亡者英勇逃生者貫用千載不忘炳
心也天會良緣炳之所倚者天意也忠肝義膽善有

善報者家人也噫貫之所以復仇如豫讓盡忠報主
智伯以國士待之宜讓以國士報之我祖父盡忠唐
室舉家遇害獨遺於我兄弟者皆貫用力亦天授
之也躬耕北隴家給人足我之所以酌僕者其家庇
之也後我子孫祭祀不遺其時則在天之靈其庇我
於萬世而不已焉者則貫氏也

皆

淳化二年二月望日炳書于臨清下庄

椿莊別墅記

武山莊在西南十四都乃邑東隅翠園胡氏之別業
也其莊有良田美地耕稼常稔佃者無水旱之憂胡
公豐貯在焉且林木深茂山川環曲人烟稀疎幽禽
互谷麋鹿群遊昔人謂之武陵源誠不若也前有崇
山高拔巔地平豁傍可設險五季時鄉民避亂於其
上有遺址故井存焉寶祐間先生同其弟元吉安國
肄業於是予與同志携書造焉得與先生連几案共
枕席道義相孚不啻齊之管鮑漢之雷陳予初試不

利歸途窘乏先生有無共之誠斯文骨肉也及抵家
不停宿同赴舊約更相勉勵樂以忘憂咸淳元年僥
倖同第授職牧民先生以親老祿養授泗州虹縣簿
因尊甫象山先生抱恙棄官歸侍重造有序堂於翠
林院左改號翠園宗祠朝廷聞先生政績擢知永新
縣遇父喪不就景炎丙子翠園居室被回祿先生厭
市喧避地創室於武山莊挈子姪移家居焉號其居
曰椿莊別墅予奉王事便道歸省思其幼時同窓亦
同年偕安國往賀焉椿莊先生曰人之富貴利達不
期而會者天也豈偶然哉常記十年燈窓之下同甘
共苦豈知今日得沐諸賢大夫華裾冠蓋光耀山居
不勝榮寵相與握手歡如平生不知天地之間復有
何樂及此乃歷叙其事而記之

皆

景炎戊寅菊秋月邑憲親友府判方貢孫竹溪記

武山書舍記

學之失有五而其難有二蓋自書契以來至於今上下數千年紙墨之傳以號萬卷不知其幾也則有溺于名數者焉則有囿于訓詁者焉則有役于記誦者焉則有耽于文辭者焉則有感于異端者焉夫是謂之五失豪傑之士慨然自拔于流俗道德性命聖人之奧也豈五者之謂哉索之以私智廣之以辨論言之成文而持之有材出其下者滔滔是也則和而從之曰是誠得聖人之奧矣今則其言資之無深也居之無安也雖欲不變亦末由已終于惑異端迷義利舉外夷雜霸偏駁之具叅亂正教談高語妙繫風播雨而使人紀人綱淪胥於無父無君之極其勢然也故學而得正一難也明善審是擇中庸知至善不身踐之猶無有也是二難也漢唐以來取士之制不本乎先王夏侯勝明經則希望青紫之拾榘榮稽古則夸侈東馬之多跋乎五失而寔于二難惟利是趨俗遠益弊先聖先師大學之道幾于熄矣天子閔焉乃詔中外興復學校罷三傳出問日以尊經世之書退

詩賦厭彫篆以隆六籍之訓著為邪說者毀其板黜
 其人示道術之統于一德意美矣新安古祁崇尚詩
 書閭閻莊嶽莫不有學武陵處士象山胡先生學貫
 古今不樂仕進教授于鄉乃立家塾於邑西南莊嶽
 之間曰武山書舍訓諸子姪屬予為記予嘗聞諸曾
 子曰為人謀而不忠乎其雖固陋敢不竭其所聞語
 之或問然則何為去二難而離五失耶予應之曰孟
 氏所受於子思至于今不絕者子思得之曾子曾子
 傳之仲尼其言在語孟中庸之篇其則不遠也造之

得門進之得序游而咏之有樂積而久之有成視形
 名度數之詳箋註釋文之精聞見誦習之多語言辭
 采之麗猶冥鴻之過矰弋巨魚之睨數罟也支離穿
 穴而配合撰作者無之口筆尹旦而施設申商者無
 之蘧廬孔孟而歸宿老佛者無之必信趨汶之辭異
 乎出兕毀玉者矣必信暮春咏歸異乎夫子晒之者
 矣必信可仕不仕異乎學為干祿者矣必信潔已辭
 粟異乎為人聚斂者矣以詩理情而養性以書鑑古
 而決今以易隨時而從道以春秋正己而格物心日

廣體日胖德日進業日脩用則致君堯舜措俗成康
舍則獨善其身不願乎外非此族也夫亦何足道于
闕里之前哉

端明殿學士退菴吳淵拜撰

遺安堂記

程應奎

太平州掌教

君子無往而不安不能安雖田野里巷之間皆危地
也龐公以隱退為安是果足以遺子孫乎車不覆于
羊腸而覆于康莊之衢安危不係於地尚矣君子之
所學無非可安之道學至於安而止也學至於安則
窮達出處無不安矣然則不能教其子孫使致力於
學謂之遺安可乎可安之道在乎常义而已矣天有
常運也日月有常度也四時有常序也有常運則天
之行不怠有常度則日月之往來不忒有常序則四

時之代謝不見其窮極也天也日月也四時也俱由
常道以為安人而無常豈得為安乎况朝作而夕輟
非常也始勤而終怠非常也言從而行違窮守而達
變非常也非常則非可安之道矣故作而不輟勤而
弗怠從而勿違守而勿變循循焉汲汲焉敬以持其
志和以養其德靜以寧其神勇以致其力則凡所學
者不惟安於己又使安於人不獨安於上又可遺於
下此常又可安之道也胡氏世以詩書相傳安於儒
業因才學進用者衆至咸淳進士元符先生佐泗州
虹縣簿以親老棄官歸養祁之城東隅乃其故址也
既而丁卯艱襄事畢家遭回祿遂挈其子姓乃於邑
西南三十里古云武山莊而家焉即今椿莊尼源先
生未仕時肄業莊也慕其有良田美地山居清趣幽
而且僻因構屋四楹名曰遺安堂積書遺子孫以安
其業續初樓於其後號曰椿莊別墅此胡氏遺之以
學安之道在是矣龐公烏有是哉屬予記之嗚呼君
子豈獨遺子孫以安蓋將推之以安天下之人可知
矣予故遂以此名其堂以為先生後世子孫望

皆山樓記

古稱新安有佳山水而祁邑為尤東則祁山若令字
之旗長扛斜倚而綴遊委蛇孫仙樓真之巖迫在天
際西則石山羣巘萬馬自天而下扶與清淑之氣毓
秀凝粹崔嵬萃嶺左右衛從為縣治千載之基北則
石鐘諸山或如屏几或如倉困或如帷幃歎峯而環
拱南則白石之峰層巒疊嶂朝簪文笏羅列玉笋之
班峭拔可愛邑人胡伯始世家詩禮隱於市廛中闕
園以屋翊重屋四楹薨棟高明軒牖疏達日讀書以
自適暇則凭檻觀山娛心悅目迺摘歐陽公環滁皆
山之語扁曰皆山而朋儕因以是號稱之且徵予文
以記諸楹間余推易之八卦在艮為山而重艮則皆
山之象也吾東魯聖師贊艮之象曰艮者止也時止
則止時行則行動靜不失其時其道光明伯始昆仲
抱材韞玉藏器於身玩遺經之至理慕聖賢於前古
不求聞達合於大易艮止之義而覽觀山中朝嵐夕
霏歎欬吐吞千態萬狀殆與塵世浮雲盈虛代謝寔
同一軌而山之青青不改並堪輿相與悠久高遠志

越樂山之靜壽母年踰七袞怡愉養志其績先緒而
貽後昆詎可量哉余嘗過伯始之居見其前除植梅
數株佳致匪俗因以梅軒字其堂而篆四大字以貽
之并書以為記

峇

洪武三年仲春朶源汪克寬書

著存堂記

祁閭之胡有拳其名大本其字者蓋一族之彥云嘗
從其鄉先生習舉業業垂成繼失其父仕達翁及其
母饒氏孺人君以祿不克逮養罷所業不復問功名
事間築堂以奉祀晨昏思惟若與親對每歲時設衣
薦食惟謹于是年六十矣其志不少變郡守汪公孝
之為名其堂曰著存以暴其不忘親之意君子婚程
循輦走休寧請記其事以傳屬抱疾無以應也既經
歲而循等請益堅乃口占授之曰子之事親蓋恒性

無足異莊生所謂無所解於其心者也世降俗偷而
 人性離則生能致養者鮮矣况以時思之常目在之
 而弗替焉者乎然則著存之義非及躬之切窮理之
 至者不足與此此汪氏所為名堂而有進于胡君者
 歟夫子之所求乎親者愛與慤焉固也然必以繼述
 顯揚又非貴賤貧富得喪利鈍之足云也言行不敢
 戾古人脩之身刑之家以達一鄉使人稱之曰此某
 之子則庶乎其可哉君通禮記春秋二經學益深事
 益練達才卿碩儒或自以為不及脩

兩朝實錄有

司率禮君預事而君且交仁賢導庸愚賑乏絕孳孳
 不已訓育其子蒙頤豫巽恭皆有立又遣蒙為學諸
 生世其經則是觀之故君殆知有古人繼述顯揚之
 說而無愧名堂之意歟雖然予亦將有進于君者蓋
 聞之舜五十而慕誠先正所示法而實則約之為中
 制爾非故限之使夫為人子者取足於此也老萊子
 行年七十弄雛親側是豈以老穉而損益其孝哉吾
 知胡君年弥高則德弥邵思弥切壽固孝之徵也在
 詩有之永言孝思孝思惟則又曰孝子不匱永錫爾

類君之志亦豈取必于是耶然天之報施善人則有不約而契者又知胡君之後將有志續先烈名與計偕起而為顯揚之地昌且熾焉者孝固慶之基也夫如是則亡者存晦者著名堂之義豈徒云爾哉予不及識胡君重其行異他日杖藜躡屨訪君山中登其堂舉酒相屬而因以考其德之成焉

皆

弘治五年歲在壬子仲春吉日

賜進士及第翰林院侍講學士篁墩程敏政書

懷義堂記

郭潭胡姓世為鄉南著族系出南唐忠臣則公後宋初厥孫曰炳始自華亭遷于祁城之翠園歷十世元符公登宋咸淳乙丑進士第待詔金門會元相伯顏為亂進士公遂隱居邑西之武山莊即今尼源是也又五世而至均德公贅遷于菴墅克寬汪先生門婿均德公有丈夫子三人曰道生治生振生道生公習舉業有嚴士望以選貢入京授上元縣丞宣流德化藉藉著于民望由菴墅徙部潭厥族尤盛于是立有

家廟崇奉祖先會叙昭穆越六世孫子龍子昇子海
姪時祖僉以祠事傾圮懼無奉祀先靈相與圖新之
捐貲鳩工翕然義舉未逾年而鼎鼎落成顏其堂曰
懷義歲丁卯秋菊月適余姻胡君子清子潭子泮子
泗橋楫栢與郭潭有族義走幣徵言以為記不佞方
膺命按漕弗遑揚厥胡君之休美爰其堂名而為之
記曰夫義者宜也正孟子所謂懷義以事其君與物
平施而各得其所無相乖戾父宜慈而子宜孝兄友
而弟恭夫和而妻柔凡所事事與時宜之謂也辟則
天地化育春生而秋殺暑往而寒來山峙川流林林
總總各居其所以為常者蓋人人宜也然世變江河
人情豁壑類多懷私掩義求其宜室家勿閱于墻者
能幾屈指哉胡氏子用是以名堂果能顧名思義懷
慈孝于一源篤友恭于奕世伉麗和柔祀先誠敬舉
時措往罔不宜然苟以聲利氣疾交相競忌非惟有
負于茲堂抑亦遺愧于先人之令名也書曰念茲在
茲釋慈在慈詩曰式相好矣無相猶矣登斯堂頌斯
言其尚有所感也夫其尚有所勉也夫

言皆尚休尚德也夫其尚節尚德也夫

隆慶丁卯孟冬朔旦昧死無味醜矣登洪室願進

賜進士第承天府推官夫人之令公以書曰公茲拜

欽差巡按浙江監察御史龍潭李叔和頓首拜撰

公心下一既其文恭于其世而歸味深味其始端

公之入其命其歸其歸其歸其歸其歸其歸其歸

公之入其命其歸其歸其歸其歸其歸其歸其歸

公之入其命其歸其歸其歸其歸其歸其歸其歸

公之入其命其歸其歸其歸其歸其歸其歸其歸

覺是軒記

覺是軒者錦之王母之季姪繼室之族祖胡公晚而

有覺以自志之名也蓋是時公年幾六十矣凡天地

之人物隱顯榮悴可忻可憐殆無不備噤嚅而深長

以悟一無可挽其中者錦嘗謂人曰吾外氏其有道

乎或曰然公少有大志與伯氏仲氏承康家學潛心

魯史欲奮見于事業既乃失怙遜于四方而其志猶

亶亶嘗逆旅建德夜誦聲琅琅尹聞之聘以師且請

易字曰民表以致望焉名隱然起于江湖之間苟際

於公生民之利害有知無不言者斯非其所謂道乎
信心生曰吾嘗見吾宗人遇公為情信豈第云今年
秋過予西淮之鳳岡錦請其道公退然而曰噫吾何
道日吾有志于用世之名因勿吾齋亦既遯于利矣
嘗遊金山登絕頂觀中泠之泉忽若有悟又號中泠
子乃今垂三十年而志猶頽然弗立其名利之蠹吾
爾也吾因覺名吾非利吾非吾將覺吾是以志吾過
卒斯道於斯軒乎子將為何如錦曰嘻我公毋謙為
道一而已莫事匪心莫名利匪事君子之疾沒世而
名不稱為無實德而虛生欲以實為名非始務名而
終惡之也變而通之以盡利乃隨時變易以從道欲
以義為名非始競利而終絕之也且非勿非中泠曷
覺非覺何勿何中泠顏子之能四勿也故不善即知
知即不行而庶乎屢空淵明之覺今是昨非亦以不
汲汲富貴戚戚貧賤而心為形役爾矣故二子雖隱
微而問為邦勸農之志天下之言名利者莫尚焉今
以非夫名又非夫利遂紛更其號曰今覺是今覺是
則古之玄德升聞正德利用厚生而致主澤民者皆

非乎是故君子之學莫大於勿其私心而中泠然而
覺覺莫大於覺是故覺名而非名以天下焉可勿覺
覺而非利以天下焉可勿覺為其為禪老管商之私
小而非大公順應成已成物肖天地生生之大德已
也苟通乎天地萬物一體而覺通乎窮達晝夜之道
而覺則念念皆事事皆心渾乎名利與道合貞其
精義入神以致用利用安身以崇德而為聖學之仁
矣乎公老矣然其志則壯也昔衛武公年九十猶使
人日誦于側以自警故其詩曰有覺德行四國順之
夫覺德行則覺是之謂也四國順之則名利之謂也
公其隨隱隨顯以師武公顏子淵明之諸賢而求入
乎舜之睿哲文明之至覺為先得我心之所同然而
以先知覺覺後知覺然後知蕩蕩而難名利之而不
庸者乃窮神知化之德之盛也嘻公志名而若忘乎
名志利而若忘乎利多暗合道妙矣其惟克之矣乎
又何以謙為哉公矍然曰多矣乎吾覺是者莊生不
云乎伯玉五十而知四十九年之非乃知道果不窮
今所覺是又為昨非子悉為我記之吾將常明常覺

于茲

廬州貢士謝查鳩拜撰

送梨源胡君致仕還鄉序

新安胡君子之同僚也自予未任之先是君宰制縣事分理庶務適逢考績幽明之時往觀

天朝得沐恩勅亦云榮矣既而返縣益脩其職一旦以年老告歸有耆民劉芳等請予言以為贈予曰有德感民者能致民思今請予言胡君有德可頌歟芳曰胡君歸官而任職為民父母也父母無美而稱之是誣也有美而隱之是蔽也誣且蔽吾民弗為也粵稽胡君歷任以來其奉上也夙夜匪懈而用下以敬其上其出令也堅如金石而存誠以接其民民有器母陷子死罪其子懷金鍾默賄僕隸其子特送胡君求其陳所誣事轉達上官僕隸竟以此物私之于已胡君覈其無辜而致死力諍轉達上官獲免續後罪人親赴公堂謝其再造之慈且言前獻金鍾之由胡君艱然怒見于色訪之再三得之僕隸暗受遂呼而言曰惟刑之恤此我好生之心也今爾自貪重賂而

損吾名節乎于是重加譴責令還其物不但此也又命家童牧馬于郊馬被牛觸傷致死家童回報胡君神色不異無所怪問竟置度外而不較諸凡德澤難以名言而始以此言之亦見政事粹乎無以加矣今請明尹之言蓋將彰其令聞于世予聞之因而感思古人有曰一命之士苟存心于愛物于人必有所濟誠哉是言也蓋胡君位雖居乎其卑而其心實盡其職觀其活人之生也而得天之元以為仁焉却人之賄也而得天之利以為義焉敬其事上也而得天之亨以為禮焉明于辨物也而得天之貞以為智焉誠于接民也而得天之成始成終以為信焉是故人心之良義聞之美禮節之備智鑑之明信令之寶具此五德之懿足以普萬善之從克以五德之大足以小天下之物即此而觀極品人爵之貴者不如胡君天爵之貴高位勢分之樂者不如胡君性分之樂矣斯能踐形惟肖而為天下之完人矣既重劉請文又嘉胡君能盡其職于是乎書之也然予固亦思盡其職者亦因此以自勗諸

皆

弘治三年

賜進士出身文林郎知景寧縣事寅侍生林謹夫撰
相山主人傳

主人胡其姓道隆其名抑之其字也問其號則曰予
之先自祁邑翠園徙居邑南尼源椿莊其山高聳四
圍峻拔且兼有先人遺跡故古稱為相山其因竊是
以自號予曰主人之號匪值取象于山也蓋以其攸
然而虛者與神謀淵然而靜者與心謀故托是以寓
意焉迺翁胡公琛受慶州景寧迪功郎之職有惠政
在民厥母孺人洪氏內助之功居多主人自其少時
與兄道興備聞義方之訓拳拳服膺弗忘迄長博極
群書尤邃醫學癸經蓋醫以養親之生癸以送親之
終二者皆人子之大節也故不敢忽焉爾矣居嘗集
群弟子而語之曰太上不負君其次不辱親其次不
辱身是故脩身者智之符也慈祥者仁之端也取與
者義之表也恭敬者禮之輿也不欺者誠之積也士
必有此五者然後可以樹于世而列于士君子之林

矣用是以自勉勵於智焉以包周身之防強於仁焉以體天下之物以義為質而利不可回以禮為柄於物無少忤以誠為宗無載爾偽焉且同而能異不詭於俗剛而能柔惟中是守飲人以和而無忿厲之容行己以謙而蔑矜肆之態平居則怡然自如遇事英發凜不可犯殆昔人所謂風月情懷江湖性氣者歟中歲旅遊淮鳳諸郡慕顏柳公之楷書暇則習之久而化焉靈璧縣尹名進士林公檣者素聞其名請書坊額大字尹嘉其能以詩贈焉主人又常語人曰君子之處世不必仕不必不仕苟可以濟人利物皆所當為也是故其寓五河也被其縣違例重徵商稅衆莫敢言主人獨抗言于公庭遂革除其弊于時名進士朱公表者亦以詩贈至今天下商人感焉又嘗道過和州見一姬抱一子投江伊同行者若夫若姑若子若女舉痛哭挽而救之其勢誠急而其情誠可哀也主人問其故其夫荅曰予乃鳳陽人氏因歲遭饑饉恐母命難延今挈家往江南求活遇江無錢可濟將妻易之妻義不再適願赴江而亡妻亡則一家無

濟故為痛哭者謀以全其生也主人聞而感焉即令其夫收錢退主給錢與之濟江慮其既濟而衣食之乏也又重為之惠卒之夫婦得全其節孝者皆主人之賜也當時士夫相與語曰世之私于一身一家者專務已肥遑恤已瘠甚至如楊朱拔一毛而利天下者猶不為也今觀胡氏子施恩于不報之地蓋得同人于野之公而非同人于宗之吝者矣既為之咨嗟嘆惜又從而形諸歌咏焉主人且不自滿假晚年居家築相山書屋法洪公抑戒以自警惓惓進德之心猶未已也一日閱唐史鑑見其鼻祖則公受南唐都史鎮守江州守值宋將曹翰克城義不肯下被腰斬妻下皆赴池而死繼而子傑尋父屍弗獲亦死焉主人喟然曰人臣死節者多矣未有一家能盡其節有如是者乃撫其行實編為忠孝節義記蓋將發其潛德之幽光用以風乎後之君子云爾厥配石溪凌氏厥女毓秀適邑庠生汪氏子儷厥子曰湏曰游曰泮曰濟厥孫曰松曰棟曰梅曰機主人嘗誨諸子曰銳爾莊志樹爾紀綱克儉克勤家用以康又嘗誨諸孫

曰內不失己外不失人乃祖乃父庶其無愧斯言皆
根諸天性之所發豈徒蘄以耀人耳目也耶昔韓子
云莫為於前而且裕後之功焉其盛德可必訾哉
予於主人外弟也知之深則言之切故忘其固陋備
述其事而為傳云

崧

嘉靖二十三年歲次甲辰春正月

黃巖訓導春生桃墅汪簡拜撰

可菴先生瑾公六袞序

予因丁內艱既闋而行將有期姻友方氏子世用謁
而告曰距縣治之西南一舍許尼原有曰瑾字世良
而可菴其別號也今年壽躋六秩仲春月有廿六日
乃誕辰耳吾與其子道立同游春秋學有朝夕相好
之義願徵先生一言以賀之予詰之曰六十下壽也
何以賀為世用遂告曰吾胡公之壽可賀也四六十
雖云下壽而耄耄期頤皆由此躋則六十者百歲之
基此其可賀者一也貲貨饒裕田園充拓此其可賀

者二也代有隱德不求聞達此其可賀者三也視聽聰明步趨輕捷此其可賀者四也不有以賀之其可乎予因重其請乃為之言曰夫洪範五福一曰壽二曰富三曰康寧四曰攸好德則公之六十是其壽也其所積者厚而所助者順是其富也年老無恙如少壯人是其康寧也潛德弗耀淳朴未喪是其好德也嗟夫世之人不得其壽者蓋多矣况望其備五福之全者乎今公既壽而富而康寧而好德則五福幾乎備矣不亦可賀也哉故復訟之曰六十壽之兆也富者壽之養也康寧壽之徵也德者壽之本也公既壽矣既富矣既康寧矣既好德矣予何容喙焉傳曰仁者壽又曰大德者必得其壽予當以斯言為祝且公之三子長曰道宏克承幹蠱綽有父風仲曰道盛大

有抱負鄉人咸器重之而其道立資性穎敏問學過人他日擢高科登顯仕以來

聖朝褒寵之榮又不蔡可知矣予因方氏子之請一

以為公壽一以為他日張本云

教諭徐美

古岷先生太貴公七袞序

今上戊子歲首夏念有五日當古岷胡公懸弧令旦
更益三十年稱百歲翁矣思篁李先生仲子妻公仲
子女因來問壽于余余姪孫惟仁北面李先生有年
故得交驩李先生而知所謂古岷公矣公出翠園世
族宋元符進士公之裔也少負耿介淳古朴樸家脩
孝友躬踐仁讓履素省譽澹泊恬退里中以長者目
之壯持緡錢客遊相時興事所至輒倍蓰業由駸駸
起闢區宇拓疆場一時赫然鼎新公越艾年即以業
授三文夫子曰芹塘君曰德庵君曰慶峰君三文夫
子故嘗誦舉子書咸抱弘才居江湖人爭推轂之鼎
足分殖各擁巨貲所至亦倍蓰業益駸駸大起公獨
操秉家政諸凡井井庭下諸孫公旦夕携之座側訓
迪惇惇弗輟暇則葛巾羽扇芒鞋竹杖徜徉林麓水
月之間或酌壺觴或問樵漁或歡呼俯仰陶然長嘯
茲皆公之高致也夫未老而先求逸有諸賢子勤業
可以逸遶膝諸孫逢迎色笑可以供其逸公又謝事
開心能自可長生公蓋深有味乎茲言也者壽曷既

哉壽昌既哉但享其壽者公也所以壽其壽者子若
孫也繼自今諸君其增脩故業豐阜如丘山大捐洽
以成仁義俾令聞長世歸美于公公之壽益增而高
矣繼自今諸孫子其克自奮揚脩儒積學乘時而翔
青雲俾公食報于天祿膺榮于老景光輝炳烺宇宙
弗磨公之壽益大增而高矣樂只君子萬壽無疆詎
第古稀云爾哉

皆

萬曆戊子歲孟夏之吉

賜進士及第南京國子監司業前翰林院編脩侍

經筵講官纂脩

國史春生幼峰余孟麟拜撰

贈椿莊鄉耆羅峰胡公七十序

予承之于祁每以得善人為首務蓋得善人而表之
一鄉其上可以善俗其次可以解紛又其次可以率
群旁搜密采乃得十餘人胡鄉耆曰道脩其一也然
猶方信而疑又從而訊之左右左右曰某也質叅之
縉紳縉紳曰某也純篤索之鄉評鄉評曰某也忠且

朴曰嘻夫夫是也可以語治矣惟質罔淫於習惟純
篤罔涉於浮競惟忠朴罔移於氣俗使夫人而咸如
斯也而刑書可火矣使夫人而咸如斯也而官方可
免矣使夫人而咸如斯也而訟庭可虛矣或又曰年
躋古稀而髮漆顏童某也壽且康業拓不貲而視盈
若虛某也富而禮優游泉石而理亂弗聞某也順而
寧余曰是惟攸好德而三美隨之不然匪德而壽罔
生也匪德而富怨府也匪德則長戚戚非安也一德
備而三物成吾獨有取于胡鄉者可以為鄉閭表也
故於其壽之日也既章之以服而又重之以詞

皆

嘉靖十有九年歲次庚子秋月之吉

縣丞浹川月湖羅衣撰

題莊山胡子激公

東湖鄒梧贈

祁南跋望極長空秀出莊山第一峰氣接椿莊來脉
遠樂如仁者本心同雨餘送碧招提竹風定生香別
墅松我欲相依結吟社何妨舉棹過湖東

題雪岬胡橋公六十詩

南墩周尚賢贈

天為吾翁初度來時飄瑞雪侑霞杯斑衣戲帶瓊花
舞綺席端依玉樹開四顧輝光渾照映一團元氣預
胚胎蓬萊誰謂長春境清景還當讓此崖

題茶塢胡梓公詩

南墩周尚賢贈

路入建溪斜竈連丹鼎佳世緣無點累雲影幾重遮
秋水煎香葉春風茁嫩芽不知清淡味更復有誰家

左厓先生傳

先生胡姓名宗時字子易世居邑中街翠園為士林
右族以所居東鄰有古厓號左厓云先生性慧晤超凡
六歲時出就塾日授數十百言輒成誦善屬對矢口
妙奇句更端問難嘗屈其師人固大異之稍長好讀
古書凡三索典墳通史列紀三傳七書靡不徧覽專
攻古文詞絕意榮進尊甫月川翁命之曰吾家世登
仕錄受國渥恩立功報主爾責也何得肥遯以廢義
耶先生受命乃勉習制科繫名題博士藉與欽王仲

房余師石龍先生意氣投合每接雄談移日傾壘倒
觥年呼五白傲睨一世相與問禮于張國博問詩于
高厓州厓州以古道自持少與人許可嘗曰當世詩
文惟李獻吉何仲默鄭之三人耳余碌碌也能踵芳
躅其惟二三子夫一時士論翕然歸之既而余師茲
解南畿人謂先生將連袂起矣三試貢闈不入時毅
先生乃幡然曰士當尚友千古安能儻個塲屋以枉
過此生耶乃獨坐最高樓益新故業綜研六籍攷證
百氏詩有會編史有評題春秋有周正論辯世儒良
知之剽竊訂沈約音韻之註誤兀兀窮年編摩不輟
以劬書病目乃止酒豪宕逸興益不藉酒也乃作太
白杯歌以見意先是余師亦嘗作海螺行及讀先生
歌乃大嘆服曰低頭拜東野矣因廢其藁邑大夫聞
其賢折節禮之而先生亦不屑見輸幣徵翰酬應之
而已或勸曰少屈可多遺子孫先生曰元亮五男兒
相與共飢寒得遺以清白足矣他尚何為哉久之乃
聚三月糧相從一小奚浮江漢躡匡廬踰河涉泗謁
關里登泰山遵海而南下探禹穴復並吳會浮西湖

觀濤三洲生子陵釣臺名勝遺跡歷又題詠充然有得
而歸不特為子長汗漫之遊而已歸買一小艇興到
則汎汎其流興罷則徐徐以休循涯綠岸載咏載歌
其吟風弄月懷旁柳隨花趣盎如也以青蘿山古名
刹蔓昧日久乃剷荒通道募僧結廬與譚三昧指內
邑中同志共訂詩社將終老其間焉平生著釋甚富
總若干篇諸郎偉侶僕侗彙集將入梓先生自名之
曰蟲吟草云余聆先生聲歎日久受益最多不愧管
蠡之所窺測者為之傳

論曰我聞在昔窮視其所不為先生學富才瞻取
青紫若探囊中物耳遭時輒軻困鬱衡茅孰不蚤
涎富貴哉而先生條然遠引不少貶損視世之委
瑣齷齪以希榮寵者若將况焉充其所操雖九列
九鼎有不屑也其所不為抑何斷斷哉又曰觀人
于其所與先生所友三人余師首捷南畿棄官不
就以三立自任仲房謝去博士藉敢篤好古以詩
文擅譽海內其所與有大可見矣且先生辭榮歸
約室人絕無交謫子孫衆多皆服其教而敬承以

以清白又所謂身行道而道行于妻子矣噫嘻即
先生之操履豈特攻古文詞已哉而古心古行並
見之矣

皆

萬曆戊寅菊月朔旦文林郎封川縣知縣

眷生桐陽汪應鳳頓首拜撰

則公傑公墓誌



鼻祖則公出自華亭以舉業擢南唐進士官守永康
軍繼陞江州都指揮使配王氏封恭人宋興天下始
一獨江州不下命曹翰諭之公不屈城被屠而死焉
恭人隨遇害公之子曰傑仕為度支孔目與夫人張
氏同殉其難一家死于節義忠孝十有七人公之孫
曰炳曰燈以童蒙寄學於少傅陳公覺之田舍得以
存其性命孤苦無依乃具情白以母姨善孺人張氏
嫁祁門大姓熊氏中立翁之故公俟其兵退即遣人

特送於祁遂依之而家焉世居于邑城東隅之玄地
號翠林即予胡氏祖居也夫炳公得存性命於祁之
翠林者實天陰相鼻祖之忠俾不絕其如綫之緒厥
後炳尋其祖父之屍有文招祖父之寃有墓與望雲
之思有樓及諸孫進士元符元吉輩載諸譜數傳至
柳州郡教懷忠公等多叙葬於鼻祖之側即今一都
臨清塘之源也宋末為金元擾亂逮我不與天下故
朝吾祁又為洪水湮沒時子孫各逃山谷而其墓多
桑田滄海之變且為墓隣侵汚凡我子孫每恨之嘉
靖壬午聞於官縣尹洪公到所見其卑濕有害諭遷
葬於高原且命墓隣以地易之當時從之者亦效太
王遷岐之意云爾况地之西易相去不遠今年弟姪
曰璋曰晉曰惠曰克高曰資屢求地師驗之多善其
龍脉結穴之美地名清隱立午向亦無負於臨清源
遂相與立石自鼻祖至懷忠公移葬於是昭穆不紊
為斯舉者則傳云萬代如見詩曰本支百世之心也
矧我

明之登黃甲捷秋闈領選貢代有聞人實無忝於先

世我子孫歲脩祀於墓所思聞人之業而有歆感引而伸之以及前代則鼻祖所傳以來才得五六之數殆必先人之功德後人之慈孝一以貫之而幽明之交相感名矣噫其勛之哉

昔

大明嘉靖十六年丁酉歲冬月吉旦

裔孫鏞 宙 福 道脩 全 立

丙戌貢士裔孫淦 百拜 謹書

助教懷忠公墓誌銘

先君諱懷忠字良臣為徽之祁門人自曾大父伯郊大父珣世有隱德至考亶始以名醫濟人為鄉閭所尊敬授太平州助教迨先君能繼其業益精其術凡所療疾不以貧富貴賤二其心其視饋送之輕重一不屑意所以四方慕之其請者不遠千里而來公之為人純厚質直似不能言喜怒未嘗見於辭色篤孝行近信義可謂有古人風矣後為柳州助教生于紹興丙子之六月卒于嘉定丁丑十月五日春秋六十有二祁之人莫不哀悼為之出涕猶以未臻于期願

為恨也娶葉氏有七子長元善次元德元良元美元
衡元道元吉女一人適閩田進士張應龍孫四人泳
潛餘在襁褓女孫一人孤以庚辰九月廿八日丙午
安厝公于製錦鄉和光里臨清塘之源元善痛惟先
世為善人以醫濟物識者莫不愛之如父母矣于其
葬也懼沒其實謹撫其歲月銘諸幽隧以貽我後人
銘曰 偉哉先君世為善人賦貌之厚稟德之純奉
親克孝濟物以仁蕃衍其後子孫誥誥卜葬
南源歲維庚辰刻銘于石千古如新

奉訓大夫元符公墓誌銘

先生諱元符姓胡氏字一陽帝舜裔也迭出王侯族
歷遷晉陵而其始祖曰頊宦遊姑蘇之華亭遂留家
焉至十世祖有諱則者仕南唐為康化軍即今之池州府
以功擢兼總管軍民都指揮使鎮江州不屈而死則
之子傑為唐孔目官亦死國難傑子炳乃避難訪其
母姨張氏于祁卒遷於城東之翠林院後改為翠園
宗祠而居之逮四世祖瓊判興國州即先生曾大父
也大父諱文字直卿知象山事卒于官考曰懷義字

良貴號象山以文學稱屢試不第遂隱居教授生徒
雲集出其門者皆蜚聲場屋而先生獨嗣其傳且幼
知孝讓天資穎敏立志問學凡諸經傳子史星曆鑿
卜術數靡不博極年十五補郡庠弟子員登咸淳阮
登炳榜進士第授翰林待詔以親老乞改泗州虹縣
簿時賈似道專政蠹國害民權傾人主之右而先生
執法不阿即棄官歸養歲癸酉丁外艱毀脊骨立郡
邑以事聞朝廷嘉其有孝行及政績辟知永新縣事
遭父喪不就景炎丙子翠園居室被回祿先生厭市
喧遂居隱於邑西南十四都尼源武山莊之書舍縣
尹黃徠為立聚奎坊于其前子孫因家焉即今之尼
源是也構屋四楹扁曰遺安堂積書遺子孫以安其
業續建樓于後顏曰椿莊別墅以誌不忘其甫象山
先生經始之意晚自以為號擬終老於是方天下多
事丞相文天祥開督募兵勤王詔求當時進士之在
幽隱者咸起復任用先生預焉遂進為湖州判移守
昭慶軍郡縣又改聚奎為大夫坊及之任救菑恤難
井井有條不旬日而軍民安其業柰何國勢窮蹙元

丞相伯顏宣旨有以城降者喝轉官資抗命者屠其城先生聞而毅然獨不屈遂掛冠而遁以存民命未抵家之先會鄉寇蜂起家人悉奔竄邑人萬夫長武進相公乃率鄉之勇義立排柵於武山之巔以避其難椿莊被所據先生至則奮不顧身即召其賊首從容喻之曰天下者有宋之天下也不意而遭其顛沛徧國皆陳蔡也舉室皆曾原也若曹正宜兢兢自保以圖復起之望而後可胡不自省而卒喪其良心甘為驕跖之行旁午鄉曲其亦不仁甚矣且如武山之巔自隋唐以來避亂之所而其形勢高聳况有一井混混不竭而武進率衆扼其險大抵不過以避一時之亂安得食有餘粟衣有餘布於其上耶然則若曹徃徃圍繞於其下必欲盡取其所有是猶奪糧于陳蔡之間攫金于曾原之室多見其不知量也蓋亦聞其井有雙鯉躍出之異乎殆非天意弗克臻此守之何益以予言之莫若翻然高舉以求其生以安其業可也否則予恐患不在於千里之外而在几席之下矣悔將奚追遂以隨身之資空囊給之衆皆稽首伏

罪曰公正人也不敢犯遽舍之而去噫斯時也苟非先生一言以開導其善心俾之遂各遁散孰能遏滔天之浪于涓涓之始乎信其行高出古人之右矣先生生於嘉定戊寅正月初吉夫人李氏略涉書史事舅姑以孝處宗黨以和勤以勵其行儉以節其用鄉隣或有貧乏不自給者彼則周恤之心如將不及是誠女中之君子也有三子長曰渭定婚宣城學士吳淵公之女未聘而歿續娶本邑進士謝有進公女渭嘗從于吳翁之門德業日進為時大儒後聞一朝革命不者滌進次曰涇娶藍田李正字奇公女次曰源娶本邑進士石山汪欽祖公女涇源俱蚤世無嗣曾孫男一曰尚義至元丁亥秋八月先生遽膺疾弗起喟然喟曰涇源二子既歿理不可絕必以松杉為其後庶存二息一脉吾死亦瞑目地下矣言訖而逝其後渭乃遵治命毋敢或忽先是夫人葬于六都小松塢緣涇源歿復於是年十二月移柩與先生合葬于二都製錦鄉金龜源時估莊後即烏門也頂亥立穴遷已巽中向用龍首為案以掩辰巽黃泉水而其左

右前後群山降伏四水歸朝佳則佳爾於戲先生生
雖不遇而死誠得其所是亦為善之報施也信不誣
矣抑嘗思其為人神鑒爽朗長鬚垂膺議論慷慨雅
好琴瑟凡有所為夜必焚香告天而後行不特其之
見聞而當時士夫論先生有爵以膺民社有德以光
科目有齒以杖鄉黨天下遠尊者三先生其備矣予
復何言哉孝子渭垂泣拜而言曰姻丈素知先君平
生政績出處艱苦而其言之至矣盡矣孤不肖亦將
拳拳心醉服膺之不暇詎可遽忘于異日乎曰未也
葬必有誌古之制也爾惟知其言之播在人口遂為
可託殊不知其人存則言亦存人亡則言隨之以亡
苟不顯書深刻欲以昭示末世而不可得是則今日
之所言亦徒然爾渭起再拜言曰敢請銘于石以貽
厥後庶百世不能泯也乃為之銘曰

德義優而其道足以覺世問學博而其才足以經
邦質直而朴性毅而剛奏名甲第暫屈棲鸞棄官
歸養悅色怡顏既失其怙泣血皇皇嗟夫世道胡
為而降喪國勢遽爾其乖張帝心簡在詔復循良

其進位也功以拯其昭慶軍民于陷溺其退居也
心緣憶乎尼原松菊之荒涼掛冠而遁歸老椿莊
生不少屈死有何慚嗚呼金龜源之山兮何蒼蒼
金龜源之水兮何琅琅卜云其吉兮終焉允臧寔
穿斧屋兮地久天長

皆

至元丁亥季冬月

宋進士及第國子正錄閏田張宗元製錦山人撰

鄉校教授邑西源表叔汪叔卿篆額
水部典校邑西烏門親友廖十七書

歙縣石匠潘宗仁鐫

地師江右劉必大遷

孝男興周渭溪

孝孫楠

桂

金龜源蓋新原水松五百平中置貢朱

精曰

曾孫男尚義全立石

地仙上宰劉必大題

詩曰 滿架葡萄垂倒西 或長或短不般齊

金龜塞盡源頭水 五百年中富貴來

處士胡公伯仲偕葬墓表

處士顯福華福二公之歿也以成化丙申十月初二日偕葬近里日西源師姑墩其方向背父面震堪輿家法也其序次兄右弟左遵地道合葬禮也嘉靖戊申歲諸孫群季以其墓久而弗治謀以是月廿五日拓而新之以昭來世於無窮也既又墾基築室命僕馮長保馮外得為之守後鏤文於上以圖不朽焉胡氏在五季有死節江州則公者世居姑蘇之華亭厥孫曰炳宋開寶初始徙邑城東之翠園越八世至元符登咸淳進士歷官湖州判移守昭慶軍值元氏入中州退居邑西南尼原武山莊讀書娛樂於其中易名椿莊而家焉鄉稱著姓曰尼原胡氏蓋始于茲矣處士顯福公字如海號耕雲曾祖諱壽三祖原善考

天與府君皆以隱德聞母汪氏公居家孝友重行義
其於宗族子姪恩意尤隆而凡處已接人之際藹然
其和介然不流也坦然其易而特然不亢也其視人
之急汲汲焉若在已不屑屑以利也天順辛巳五月
廿一日以疾終距所生洪武庚辰正月廿六日春秋
六十有二娶孺人楊氏子三長琳字世美道正為其
孫次琛字世寶贊政處州之景寧有遺愛道興道隆
其孫也次琚字世鳴道脩為之孫其為公之曾孫者
子清子激子湏子浴子游子濤子泮子潭子濟焉處
士華福公母章氏如淵其字正泉其號也孝友恭謹
性敏勤學博覽經傳鄉人從之者日益眾其教人也
以法年十六郡有谷府謀不道公務猝急郡守崔
公擇民之有幹局者分其事邑侯以公薦公錯綜條
理大為上官取委以機密為鄉者邑有疑獄必與之
論確公據理處其當退無怨言者人皆以為不可及
生永樂壬辰十二月三日成化甲午九月初三日考
終命享年六十有三娶孺人汪氏子曰瑾字世用其
孫道宏道盛道立其曾孫則有子溫子瀾子渙子泗

馬夫二公者以出則同父也以親則同氣也以生則
同一德也以死而葬則同其壙也所謂協諸諸義而
協也其狀二公者一則曰居家孝友一則曰孝友恭
謹嗚呼是果然歟經曰孝弟之至通於神明光於四
海傳曰孝友之德光於上下二公之在當時著聲譽
施于孫子益蕃以昌人知其有光也而不知其孝友
之積累也是豈不可以表耶用特論之以見胡氏之
盛有自云

各派祀田

一三四都土名郭家坑大租拾秤棋櫬相澤四房備
祀均德孺人道生公振生公成宗公

一土名小塘冲夾山田租貳拾秤橡櫬二房備祀

治生公顯祖公馬隆公

一土名南冲烟家塢口大租壹拾壹秤相楷檉楨四
房備祀 孟傑公喜安公貴安公子濱公三四

一十四都土名豎頭坵長坵尖角坵牛欄坦等處大
租壹拾柒秤天與源清均德三大房備祀

元符公夫婦

一土名師姑墩大租壹拾壹秤又土名仰家坵飯米
坵徑子坑等處共大租玖秤拾玖斤半又三四都
土名义脚嶺大租玖秤拾貳斤半顯福華福道生
治生振生貳大房備祀

元傑公渭公杉公壽三公均德公

一土名溶溪庄前汪茶前樓下徑子坑楓樹坵枒槎
坵港畔穹上坑頭共租叁拾叁秤雙六振七貳大
房備祀元傑公元符公渭公松公

一土名汪村塢廟前三畝坵師姑墩港畔穹蔭木山
下江坑門前共租叁拾餘秤又山東江家嶺地租
強生龍生伏生五大房備祀 福壽公德玄公

一土名余家坎下後井山墳前杉木嶺等處共租捌
拾餘秤車田四大房備祀 龍生公仲偉公

一土名呈五坑頭陳師坑塘坑下塢頭三處文寶仁
顯三房備祀鍾公

一土名宋村坵十畝坵橫路下四畝坵三畝坵吳家
坵鑿頭坵方坵牛欄坵沉坵上李家坵塘坑下塢

均上共租貳百餘秤太貴備祀 文寶公

又守墓坦末許二庄基方坵庄基牛欄坦庄基呂

禮庄基吳家庄基宋村坵庄基共陸處

一土名六畝坵毛墘坵程家段周家塢方家塢共租

貳拾餘秤石坑備祀 伏生公等祖

一土名三畝坵劉家坦共租拾餘秤貴元宗志二房

備祀 友義公天壽公

一土名南坪大洪山甲第嶺寺下等處共租拾貳秤

一澄備祀 積公童公深公球公祚公

遷居祠宇名目

翠園宗祠叙倫堂 在下橫街尚禮公建

著存堂 在中街大本公建 月川草堂 在中街巽公建

集慶堂 在上橫街蒙公建 重本堂 在上街深公建

懋德堂 在上橫街子濱公建 有叙堂 在尼源渭公建

遺安堂 在尼源天與公建 椿莊別墅 在尼源元符公建

武山書舍 在尼源元符公建 相山小隱 在尼源道隆公建

餘慶堂 在尼源道脩公建 世德堂 在尼源子激公建

懷義堂 在郭潭治生公建 翁樂堂 在尼源明公建

崇德堂在車田龍生公建

古岷隱居在車田大貴公建

惇叙堂在石坑伏生公建

復榮堂在上橫街繩祖公建

樓閣

望雲樓在下橫街宗祠後炳公建椿公重脩

皆山樓在上橫街伯始公建
讀書最高樓在中街宗時公建

雲窩樓在尼源相山公建
拱翠樓在尼源天與公建

坊

富業坊誌建在上橫街
桂林坊在下橫街潛公建

進士坊在上橫街深公建
繡衣坊在上橫街深公建

椿桂坊在上橫街球公建
鍾英坊在上橫街象公建

聯桂坊在東街為元鎮元符公同登進士建

聚奎坊在尼源邑侯黃徠為元符公建

奉訓大夫坊在尼源源元符公建

各派墓陵

一都臨清源則公傑公炳公等墓

大洪山景閏公等墓
栢山源懷忠公等墓

李金坑積公永振公等墓
眉山下寶賢公等墓

臨清源宗潮公等墓
天王寺一元公等墓

金竹園 熊氏夫人等墓

南岬荆釵形 芭公等墓

干木嶺 宗昌公節婦周氏等墓

二都金龜源 元符公夫婦墓

三四都韓溪大栢樹下 伯達公墓熊公墓

東坑 均德孺人汪氏佳娘墓道生公夫婦墓振生公夫婦墓成宗公夫婦墓

黃土嶺 孟緣公墓孟良公夫婦墓蘭寶夫婦墓孟惠公夫婦墓玉爾孺人墓

方七塢 本生公夫婦墓 茶培塢 復生公夫婦墓

汾溪坑口 孟傑公夫婦墓貴安公夫婦墓喜安公夫婦墓 子海公墓子濱公墓子洪公墓

北冲塢 治生公夫婦墓馬隆公夫婦墓孟春公墓瓊公夫婦墓 球孺人方氏墓佳得墓廖氏墓

舟口銅鑼形 王球公墓孟緣孺人王氏墓香得公夫婦墓

虎徑坑 顯祖公夫婦墓孟芳公偕孫長生墓玉環公墓王爾公墓 昇得公夫婦墓

洪林塢 張寶公夫婦墓光寶孺人墓得麒公夫婦墓

五都溪畔岬 豫公墓巽公墓

顯親寺口 珣公等墓

六都方村大塢 祐公墓大本公夫婦墓

下村仙人猷掌 宗壽公墓庚公墓廷發公墓景紹公墓

廖家塢 球公墓宗壽孺人謝氏墓

章溪 元吉公墓元通公墓萬齡公等墓

十四都江家嶺獺形 元傑公墓松公夫婦墓楠公墓仲昇兄弟墓鎔公墓
珣公夫婦借子神保墓道盛公墓道立公墓

石穹掛鐘形 渭公夫婦墓杉公夫婦墓楠孺人墓道盛孺人汪氏墓
道立孺人陳氏墓子激孺人汪氏墓

石壘頭龜形 壽三公夫婦墓均德公墓珺公墓

獅坑 瑾珺二孺人墓
郭鳩 琳瑾二公墓

燕窩裡 原善公夫婦墓天與公夫婦墓顯福孺人楊氏墓

日西坑師姑墩 顯福公華福公全墓

溶溪杉木塢 道脩公夫婦墓

江坑 珺公夫婦墓道隘道興墓

周家山 子瀾公墓在尼源住基之裡

梨樹坦 雙六公夫婦墓振七孺人墓鈺公墓文俊公夫婦墓
瑗公孺人汪氏全墓明公墓

茶培坑 福壽公夫婦墓

汪家塢 公壽公墓上培 德玄公墓下培 鈺孺人墓
友池公夫婦墓

湖婆田 德玄孺人楊氏墓 鍾公墓

張家坦 德玄孺人馮氏墓 前仲昇孺人陳氏墓

外塢園 強生公墓
牛欄坦 三公墓

杉木嶺 龍生公夫婦墓 鍾孺人借子文賢文顯文仁孺人葉氏墓

後井山 仲偉公夫婦墓
斫草塢口本家朝山 鐸公墓

車田塢 錢公夫婦墓 文卿公夫婦墓
均上 鎔孺人王氏墓

陳家坑 鑑公夫婦墓

凌家住前 文俊孺人廖氏墓

奚家坳頭 文寶孺人汪氏墓

范家塢口 文通公夫婦墓

仁邦坑 太正孺人王氏墓
祖裔公等墓

車田 袁公墓

大坑茶培山 伏生公墓孺人汪氏墓在左仲昇和安照四孺人墓
天泰公夫婦墓

大坑對面周家塢 友義公夫婦墓天壽公夫婦墓
友珠公等祖墓本達公墓

一都李金坑文書塢 憲公墓

南岬水碓坑口釵形 治公夫婦二處墓

三四都胡村江家塢口 憲孺人汪氏墓

五都許村黃虎山 慎公夫婦墓

塚地輿圖

一都土名臨清

源山十畝地五

畝臨清塢口地

八畝臨清下塢

六畝下庄地

五畝山地共三

十六畝併三都

熊塚地八畝承

籍任基九畝招

魂立墓塋則公

寺坟



群龜出峽

嶺

則公



嶺

傑公



嶺

懷忠公

泳公



秀野亭



居休亭



聽松樓

忠臣則公像贊

七廟云墮孤城何濟天心知厭南唐效死江州恩懷
故主難忘捐國難竭力綱常臣忠子孝婦縊姑亡一
門全節萬古流芳 僅遺叶香孫子遷肇祁陽運符
天祚昌世闕丕顯休光人文煥啟累朝科第奕葉衣
冠蕃族祀休禎永紹千百世垂裕無疆

右調燕臺春

淳熙戊子

館甥張應龍題

二都金龜源

宋進士奉訓大夫

元符公夫人李

氏同墓巽巳

向



墓

三世裔孫玄錫寫

十四都江家嶺

陂形

地字號元傑公墓

一道盛公墓

一道立公墓

山字號松公儒人

汪氏夫婦墓

一楠公墓

一仲昇公兄弟墓

一鎔公墓

一天珣公夫婦同男

神保公合英仲昇

公墓前山內地內

一顯貞夫婦墓

四都石巖頭


龜形

一壽三公孺人李

氏去婦墓

一均德公墓

一珺公墓坤向



三四都汾溪坑口

一孟傑公孺人李氏夫婦墓

一貴安公孺人徐氏夫婦墓

一喜安公孺人謝氏夫婦墓西向

一子海公墓

一子濱公墓內坤艮

加未丑外未丑加午

子向

一子洪公墓

東至余古壙西至大河南至陳城北至路及溪



三四都黃土嶺

一孟緣公墓

一孟良公夫婦墓

一蘭寶公孺人張氏夫婦墓

西山卯向天字

內是也此山

東田西降南

壠北田

一孟惠公夫婦墓

一玉璽儒人墓

葬在此山



三四都北冲塢

一癸山丁向

一治生公夫婦

墓

一馬隆公夫

婦墓


一子血春公墓

一瓊公夫婦墓

一球孺人方氏

偕子佳墓

廖氏墓



三四都虎徑坑

一顯祖公夫婦墓

一孟若公偕孫長


生同穴

一玉環公墓

一昇得公墓

孺人曹氏同穴

一玉璽公墓



十四都五保江

坑琛公孺人

洪氏夫婦墓

丁向

一道興公道隆

公兄弟墓亥

向



玄錫馬

十四都五保前山

俗名燕窩裡

原善公同孺人

汪氏合葬天字

墓亥向號為仙

人踏足形

一天與公同孺人

汪氏合葬地字墓

亥向

一顯福公孺人楊氏

人字墓亥向



天
地
人



墓

墓

墓

十四都六保日
西坑師姑墩
顯福公華福
公同墳卵向
號為蜈蚣形



十四都六保土

名梨樹坦鳳形

一雙六公夫婦墓

一振七孺人墓

一鈺公墓

一文俊公夫婦墓

一瑗公夫婦墓

一明公夫婦墓



十四都六保茶

培坑山東卷

福壽公夫婦

墓



裔孫舜臣馬

十四都汪家塢

一上培公壽公墓

一下培德玄公墓

一鉦孺人王氏墓

一友池公夫婦墓



皇朝圖考卷之四

十四都張家坦

一前雙六孺人汪

氏墓


一德玄孺人馮氏墓

一前仲昇孺人陳

氏墓

宋古松木一

大河來水




少祖大辰飛鴉
降勢辭樓下殿
五殿中抽兩傍
有水二泉朝山
雲景珠簾帳下
貴人三千粉黛
八百烟花觀音
倚闌形庚龍入
首坤艮向土名
小魁鳩祚公夫
婦葬此山

一澄貫受




五腦芙蓉行
 龍穿帳寶蓋
 跌斷蜂腰三
 台華蓋入首
 頑金朝山五
 老筆架青龍
 白虎帳脚包
 穴辛轉亥乾
 巽雙鳳呈祥
 土名黃沙坑
 球孺人安葬
 此山
 一澄買受



縣朝巽峰卸下
 一枝列屏列帳起
 一蓋座御屏托後
 朝山幙頭文筆御
 座列前印星水口
 丁龍坤艮雙股
 金釵形土名南
 岬左股英邑公
 右股澄存壽厝

一澄承祖



龍興縣基平分停
 息三墩開帳重
 雉尾在後貪狼降
 勢鶴膝跌斷小星
 辰朝山武曲巨門
 在下跪奴華表桿
 門把水口壬龍子午
 向飛鳳冲霄形
 土名廖家塢安
 奕球公在上

一澄众業



十四都車田

大姑坑杉

水嶺

一龍生公孺人

方氏昭娘墓

子午向

一鍾孺人陳氏

滿真偕子文

寶公文顯公

文仁孺人葉

氏墓

大河



尾源棧寫

翠園明氏墓圖

十四都六保湖

婆田

一德玄孺人墓

在山龍右

一鍾公墓良龍

八所異向在

左

十四都大坑茶

培山

遷石坑始祖伏生公

汪氏弟娘孺人墓

一仲昇公兄弟四孺人

合壙山巔左所

一天長公厝庄左

一神保公孺人倪氏

厝墓右所

一秦公夫婦合壙

厝墓右

一本誠公夫婦厝

庄右田內


對山周家塢

一友義公孺人汪氏天壽公

孺人倪氏合壙墓

一友珠公等祖墓塢內山

之陽本達公墓



翠園明氏墓園

翠園明氏墓園

十一

十四都三保土


名西冲塢口後

井山

仲偉公孺人

章氏瓊娘墓

申山寅向



宋水

玄孫壽昌寫

翠園胡氏宗譜跋

噫嘻乎盛哉蘇子所謂三代不
 脩譜何以稱故家之言維布當亦
 足以範世而無言宗蓋三代之
 遠幾於百年百季之至族
 必稱蕃族蕃而藝博藝博

而支分支分而屋散居散而
昭穆弗親求其必無系於倫
序者吾未之信也不有譜系
出所考稽竊觀翠丁園宗譜
之成靡功懋矣是亦仁人孝子
之心遠乎述作之志後先疏
附彙集成梓啓祖宗數千載
之休光裕後葉億萬紀之遺
澤精忠烈日永孝迓思節義
自風怡然頌化文章道德之
聲華富貴功名之利達分
封建國之典積流累仁之功

幸乎家乘閱乎世教而激美
乎一宗之粹尤觀乎遺文珠璣
燦爛雲錦篇章連城之璧
玄圃之珍韞斯積斯以垂世
錄觀乎譜例簡而核婉而廉疏
而有則法之良也觀乎世系遐
哉林之乎唐晉之先派有滙系
迨乎宋初分自華亭著於翠
園歷年望乎七百卜世幾於三
十存沒無慮萬指若字若官
若昭穆若為人後若後人咸應
指諸掌矣觀乎訓典洋洋乎大

哉有道者之言宗之庇也觀
乎撰述良史之才國士之烈可
以充宗可以範族君子以是知胡
氏之多材也其稱文獻世家而
克昌世闕則余太史首序備矣
不佞才謝太史不能揚厥美徒
擬其譜之大槩跋而叙之以俟矣
三代脩述者有所宗仰焉

昔

萬曆辛丑孟冬既望

賜進士第奉政大夫

南京刑部郎中前大理寺評事

南宮氏宗譜
卷之五
春生魯宗馮偉頓首拜撰



翠園胡氏宗譜後跋
終



